

ALÞINGISTÍÐINDI

1918

ÞRÍTUGASTA LÖGGJAFARÞING

— SAMBANDSLAGAÞINGIÐ —

A.

ÞINGSKJÖL

MEÐ

MÁLASKRÁ

REYKJAVÍK
PRENTSMÍÐJAN GUTENBERG
1918

M á l a s k r á .

I.

Frumvörp.

A. Stjórnarfrumvarp.

Frumvarp til dansk-íslenskra sambandslaga. *Nd.*: 1, n. 3, 4; *Ed.*: n. 5, 6, 14 lög.

*Nefnd*¹⁾ í *Nd.*: M. P., J. J., M. G., B. J., E. A., Sv. Ó., M. Ó.
í *Ed.*: K. E., Jóh. Jóh., M. T., E. P., G. Ó.

B. Þingmannafrumvarp.

Frumvarp til laga um sjerstakar dómpinghár í Skarðs- og Klofningshreppum. (Flm.: B. J.). *Nd.*: 2; *Ed.*: 12, 13 lög.

II.

Þingsályktunartillögur.

A. Afgreidd til landsstjórnarinnar.

Tillaga til þingsályktunar um sölu á kjöti o. fl. (Flm.: P. O., H. K.). *Nd.*: 11, 15 þingsál.

1) Á 2. fundi beggja deilda var sú ályktun ger, að málið skyldi hverfa undir fullveldisnefndir síðasta þings (29. löggjafarþings), er þá fóru með það, og skipuðu þær þessir menn, nema E. A., sem nú var til þess kjörinn af hálfu Heimastjórnarflokksins, í stað Þórins Jónssonar, er kom ekki til þings.

B. Vísað til landsstjórnarinnar.

Tillaga til þingsályktunar um greiðslu á aukakostnaði af flutningi innlendrar vöru, sem stafar af fyrirmælum útflutningsnefndar. (Flm.: B. Sv.). *Nd.*: 7, 10.

C. Vikið frá.

Tillaga til þingsályktunar um vantraustsyfirlýsing. (Flm.: S. St., H. St.). *Sp.*: 8, 9, 16 (rökst. dagskrá).

Nð.

1. Frumvarp

til dansk-íslenskra sambandslaga.

(Lagt fyrir Alþingi 1918.)

Dansk-íslensk sambandslög.

I.

1. gr.

Danmörk og Ísland eru frjáls og fullvalda ríki, í sambandi um einn og sama konung og um samning þann, er felst í þessum sambandslögum.

Nöfn beggja ríkja eru tekin í heiti konungs.

2. gr.

Skipun konungseríða er sú, er segir í 1. og 2. gr. konungserfðalaga frá 31. júlí 1853. Konungserfðum má ekki breyta, nema samþykki beggja ríkja komi til.

3. gr.

Ákvæði þau, er gilda nú í Danmörku um trúarbrögð konungs og lög-ræði, svo og um meðferð konungsvalds þegar konungar er sjúkur, ólöggráður eða staddur utan beggja ríkjanna, skulu einnig gilda á Íslandi.

4. gr.

Konungur getur ekki verið þjóðhöfðingi í öðrum löndum án samþykkis Ríkisþings Danmerkur og Alþingis Íslands.

5. gr.

Hvort ríki fyrir sig setur ákvæði um greiðslu af ríkisfje til konungs og konungsettar.

II.

6. gr.

Danskir ríkisborgarar njóta að öllu leyti sama rjettar á Íslandi sem íslenskir ríkisborgarar fæddir þar, og gagnkvæmt.

Ríkisborgarar hvors lands eru undanþegnir herskyldu í hinu.

Bæði danskir og íslenskir ríkisborgarar hafa að jöfnu, hvar sem þeir eru búsettir, frjálsa heimild til fiskiveiða innan landhelgi hvors ríkis.

Dönsk skip njóta á Íslandi sömu rjettinda sem íslensk skip, og gagnkvæmt.

Danskar og íslenskar afurðir og afrek skulu gagnkvæmlega eigi að neinu leyti sæta óhagkvæmari kjörum en nokkurs annars lands.

III.

7. gr.

Danmörk fer með utanríkismál Íslands í umboði þess.

Í utanríkisstjórnarráðinu skal skipa eftir ósk íslensku stjórnarinnar og í samráði við hana trúnaðarmann, er hafi þekkingu á íslenskum högum, til þess að starfa að íslenskum málum.

Nú er einhversstaðar enginn sendiherra eða sendiræðismaður, og skal þá skipa hann eftir ósk íslensku stjórnarinnar og í samráði við hana, enda greiði Ísland kostnaðinn. Með sömu skilyrðum skal skipa ráðunauta með þekkingu á íslenskum högum við sendisveitir ograðismannaembætti þau, sem nú eru. Ef stjórn Íslands kys að senda úr landi sendimenn á sinn kostnað, til þess að semja um sjerstök íslensk málefni, má það verða í samráði við utanríkisráðherra.

Samningar þeir, sem þegar eru gerðir milli Danmerkur og annara ríkja og birtir, og Ísland varða, gilda og þar. Ríkjasamningar þeir, sem Danmörk gerir eftir að sambandslög þessi hafa náð staðfestingu, skuldbinda ekki Ísland, nema samþykki rjetttra íslenskra stjórnvalda komi til.

8. gr.

Danmörk hefir á hendi gæslu fiskiveiða í íslenskri landhelgi undir dönskum fána, þar til Ísland kynni að ákveða að taka hana í sínar hendur, að öllu eða nokkru leyti, á sinn kostnað.

9. gr.

Myntskipun sú, sem hingað til hefir gilt í báðum ríkjum, skal vera áfram í gildi meðan myntsamband Norðurlanda helst.

Ef Ísland kynni að óska að stofna eigin peningasláttu, verður að semja við Svíþjóð og Noreg um það, hvort mynt sú, sem slegin er á Íslandi, skuli vera viðurkendur löglegur gjaldeyrir í þessum löndum.

10. gr.

Hæstirjettur Danmerkur hefir á hendi æðsta dómvald í íslenskum málum, þar til Ísland kynni að ákveða að stofna æðsta dómstól í landinu sjálfu. En þangað til skal skipa Íslending í eitt dómarasæti í hæstarjetti, og kemur það ákvæði til framkvæmda þegar sæti losnar næst í dómnum.

11. gr.

Að því leyti, sem ekki er ákveðið að framan um hlutdeild Íslands í kostnaði þeim, sem leiðir af meðferð mála þeirra, sem ræðir um í þessum kafla, skal hún ákveðin eftir samningi milli stjórna beggja landa.

IV.

12. gr.

Öðrum málum en þeim, sem að framan eru nefnd, en varða bæði Danmörk og Ísland, svo sem samgöngumálum, verslunar- og tollmálum, siglingum, póstmálum, síma- og loftskýttasambandi, dómgæslu, máli og vigt og fjárhagsmálum, skal skipa með samningum, gerðum af þar til bærum stjórnvöldum beggja ríkja.

13. gr.

Fjárhæð sú, að upphæð 60000 kr., sem rikissjóður Danmerkur hefir undanfarið árlega greitt Íslandi, og kostnaður rikissjóðs Danmerkur af skrifstofu stjórnarráðs Íslands í Kaupmannahöfn, fellur niður.

Sömuleiðis eru afnumin forrjettindi islenskra námsmanna til hlunninda við Kaupmannahafnar háskóla.

14. gr.

Rikissjóður Danmerkur greiðir 2 miljónir króna, og skal stofna af þeim tvo sjóði, hvorn að upphæð 1 miljón króna, í því skyni að efla andlegt samband milli Danmerkur og Íslands, styðja islenskar visindarannsóknir og aðra visindastarfsemi og styrkja islenska námsmenn. Annar þessara sjóða er lagður til háskólans í Reykjavík, en hinn til háskólans í Kaupmannahöfn.

Nánari fyrirmæli um stjórn og starfsemi sjóðanna setur konungur eftir tillögum stjórnar hvors lands, að fengnu álitu háskóla þess.

15. gr.

Hvort land fyrir sig ákveður, hvernig hagsmuna þess sjálfs og þegna þess skuli nánar gætt í hinu landinu.

V.

16. gr.

Stofna skal dansk-islenska ráðgjafarnefnd, sem í eru að minsta kosti 6 menn, annar helmingur kosinn af Ríkisþingi Danmerkur og hinn helmingurinn af Alþingi Íslands.

Sjerhvert lagafrumvarp, sem varðar nánari meðferð mála þeirra, er um ræðir í sambandslögum þessum, og lagafrumvörp um sjermál annarshvora ríkisins, sem einnig varða hitt ríkið og stöðu og rjettindi þegna þess, skal

hlutaðeigandi stjórnarráð leggja tyrir nefndina til álita áður en þau eru lögð fyrir Ríkisþing eða Alþingi, nema það sje sjerstaklega miklum vandkvæðum bundið. Nefndinni ber að gera tillögur um breytingar á þeim frumvarps-ákvæðum, sem hún telur koma í bága við hagsmuni annarshvors rikisins eða þegna þess.

Nefndin hefir enn fremur það hlutverk, annaðhvort eftir tilmælum stjórnanna eða af eigin hvötum, að undirbúa samning lagafrumvarpa, er miða að samvinnu milli rikjanna og samræmi i löggjöf þeirra, og að taka þátt i samvinnu um sameiginlega löggjöf á Norðurlöndum.

Nánari fyrirmæli um tilhögun og starfsemi nefndarinnar setur konungur eftir tillögum frá stjórnnum beggja landa.

17. gr.

Nú rís ágreiningur um skilning á ákvæðum sambandslaga þessara, sem stjórnirnar geta ekki jafnað með sjer, og skal þá skjóta málinu til gerðardóms 4 manna, og kys æðsti dómstóll hvors lands sinn helming þeirra hvor. Gerðardómur þessi sker úr ágreiningnum og ræður afl atkvæða. Ef atkvæði eru jöfn, skulu úrslitin falin oddamanni, sem sænska og norska stjórnin á vixl eru beðnar að skipa.

VI.

18. gr.

Eftir árslok 1940 getur Ríkisþing og Alþingi hvort fyrir sig hve nær sem er krafist, að byrjað verði á samningum um endurskoðun laga þessara.

Nú er nýr samningur ekki gerður innan 3 ára frá því að krafan kom fram, og getur þá Ríkisþingið eða Alþingi hvort fyrir sig samþykkt, að samningur sá, sem felst i þessum lögum, sje úr gildi feldur. Til þess að ályktun þessi sje gild, verða að minsta kosti $\frac{2}{3}$ þingmanna annaðhvort i hvorri deild Ríkisþingsins eða i sameinuðu Alþingi að hafa greitt atkvæði með henni, og hún síðan vera samþykkt við atkvæðagreiðslu kjósenda þeirra, sem atkvæðisrjett hafa við almennar kosningar til löggjafarþings landsins. Ef það kemur i ljós við slíka atkvæðagreiðslu, að $\frac{3}{4}$ atkvæðisbærra kjósenda að minsta kosti hafi tekið þátt i atkvæðagreiðslunni og að minsta kosti $\frac{3}{4}$ greiddra atkvæða hafi verið með samningsslitum, þá er samningurinn fallinn úr gildi.

VII.

19. gr.

Danmörk tilkynnir erlendum rikjum, að hún samkvæmt efni þessara sambandslaga hafi viðurkent Ísland fullvalda ríki, og tilkynnir jafnframt, að Ísland lýsi yfir ævarandi hlutleysi sínu og að það hafi engan gunnfána.

20. gr.

Sambandslög þessi ganga í gildi 1. desember 1918.

Athugasemdir við frumvarp þetta.

Frumvarpið er samhljóða frumvarpi því til dansk-íslenskra sambandslaga, er nefndir þær, sem skipaðar voru á þessu ári af stjórn og Ríkisþingi Danmerkur og Alþingi Íslands, til þess að semja um stöðu landanna sín á milli, hafa komið sjer saman um og ráðuneyti Íslands fallist á. Um frumvarpið þykir að öðru leyti nægja að visa til athugasemda þeirra, er fylgja frumvarpi umgetinna nefnda og prentaðar eru í fylgiskjalinu hjer á eftir.

Fylgiskjal.**Forslag**

til

Dansk-Íslandsk Forbundslov.

De af Danmarks Regering og Rigsdag og af Íslands Althing til Forhandling om Landenes indbyrdes Stilling nedsatte Udvalg har enstemmig samlet sig om det nedenstaaende Forslag til Dansk-Íslandsk Forbundslov, hvilket indstilles til Godkendelse af de to Landes Regeringer og lovgivende Forsamlinger.

Naar Forslaget er vedtaget saavel af Danmarks Rigsdag som af Íslands Althing og af Íslands Vælgere ved den i Íslandsk Forfatningslov No. 12 af 19. Juni 1915 § 21 paabudne Afstemning, og naar det saaledes vedtagne Forslag har opnaaet Kongens Stadfæstelse, vil Loven med Indledning lyde saaledes:

Frumvarp

til

dansk-íslenskra sambandslaga.

Nefndir þær, sem skipaðar hafa verið af stjórn og Ríkisþingi Danmerkur og Alþingi Íslands til þess að semja um stöðu landanna sín á milli, hafa í einu hljóði orðið ásáttar um frumvarp það til dansk-íslenskra sambandslaga, sem hjer fer á eftir, og leggja til, að stjórnir og löggjafarþing beggja landa fallist á það.

Þegar frumvarpið hefir náð samþykki bæði Ríkisþings Danmerkur og Alþingis Íslands og íslenskra kjósenda við atkvæðagreiðslu, sem fyrirskipuð er í 21. gr. stjórnarskipunarlaga Íslands nr. 12, 19. júní 1915, og þegar frumvarpið, þannig samþykkt, hefir hlotið staðfestingu konungs, verða lögín ásamt inngangi á þessa leið:

Vi Christian den Tiende o. s. v.
Göre vitterligt:

Danmarks Rigsdag og Islands Althing og Vælgere har paa forfatningsmæssig Maade vedtaget og Vi ved Vort allerhøjeste Samtykke stadfæstet

Vjer Christian hinn Tiundi o. s. frv.
Gerum kunnugt:

Ríkisþing Danmerkur og Alþingi Íslands og kjósendur hafa á stjórnskipulegan hátt fallist á og Vjer staðfest með allrahæstu samþykki Voru eftirfarandi

Dansk-Islandsk Forbundslov.

I.

§ 1.

Danmark og Island er frie og suveræne Stater, forbundne ved fælles Konge og ved den i denne Forbundslov indeholdte Overenskomst.

I Kongens Titel er begge Staters Navne optagne.

§ 2.

Tronfølgen er den i Tronfølgeoven af 31. Juli 1853 Art. I og II fastsatte. Tronfølgen kan ikke ændres uden begge Staters Samtykke.

§ 3.

De for Danmark nugældende Bestemmelser med Hensyn til Kongens Religion, hans Myndighed og Kongemagtens Udøvelse i Tilfælde af Kongens Sygdom, Umyndighed eller Ophold udenfor begge Stater, skal ogsaa være gældende for Island.

§ 4.

Kongen kan ikke uden Danmarks Rigsdags og Islands Althings Samtykke være Regent i andre Lande.

§ 5.

Hver af Staterne for sig træffer Bestemmelse om Statsydelser til Kongen og Kongehuset.

Dansk-Íslensk sambandslög.

I.

1. gr.

Danmörk og Ísland eru frjáls og fullvalda ríki, í sambandi um einn og sama konung og um samning þann, er felst í þessum sambandslögum.

Nöfn beggja ríkja eru tekin í heiti konungs.

2. gr.

Skipun konungserfða er sú, er segir í 1. og 2. gr. konungserfðalaga frá 31. júlí 1853. Konungserfðum má ekki breyta, nema samþykki beggja ríkja komi til.

3. gr.

Ákvæði þau, er gilda nú í Danmörku um trúarbrögð konungs og lögræði, svo og um meðferð konungvalds þegar konungur er sjúkur, ólögráður eða staddur utan beggja ríkjanna, skulu einnig gilda á Íslandi.

4. gr.

Konungur getur ekki verið þjóðhöfðingi í öðrum löndum án samþykkis Ríkisþings Danmerkur og Alþingis Íslands.

5. gr.

Hvort ríki fyrir sig setur ákvæði um greiðslu af ríkisfje til konungs og konungsaaltar.

II.

§ 6.

Danske Statsborgere nyder paa Island i enhver Henseende lige Ret med de paa Island fødte islandske Statsborgere, og omvendt.

Hvert af Landenes Statsborgere er fritagne for Værnepligt i det andet Land.

Adgang til Fiskeri paa hvert af de to Staters Söomraader er i lige Grad fri saavel for danske som for islandske Statsborgere uden Hensyn til Bopæl.

Danske Skibe har i Island samme Rettigheder som islandske Skibe, og omvendt.

Danske og islandske Varer og Frembringelser skal gensidig i ingen Henseende kunne behandles ugunstigere end noget andet Lands.

III.

§ 7.

Danmark varetager paa Islands Vegne dettes Udenrigsanliggender.

I Udenrigsministeriet ansættes der efter den islandske Regerings Önske og efter Samraad med denne en med islandske Forhold kendt Kommitteret til Behandling af islandske Sager.

Paa Steder, hvor Gesandt eller udsendt Konsul ikke er ansat, bliver der efter den islandske Regerings Önske og efter Samraad med denne at ansætte en saadan, imod at Island godtgör de derved foraarsagede Udgifter. Under samme Forudsætninger bliver der ved bestaaende Gesandtskaber eller Konsulater at ansætte Attachéer, som er kyndige i islandske Forhold. Hvis den islandske Regering skulde önske paa egen Bekostning at udsende Delegerede til at före Forhandlinger om særlige islandske Forhold, kan dette ske efter nærmere Aftale med Udenrigsministeren.

II.

6. gr.

Danskir ríkisborgarar njóta að öllu leyti sama rjettar á Íslandi sem íslenskir ríkisborgarar fæddir þar, og gagnkvæmt.

Ríkisborgarar hvors lands eru undanþegnir herskyldu í hinu.

Bæði danskir og íslenskir ríkisborgarar hafa að jöfnu, hvar sem þeir eru búsettir, frjálsa heimild til fiskiveiða innan landhelgi hvors ríkis.

Dönsk skip njóta á Íslandi sömu rjettinda sem íslensk skip, og gagnkvæmt.

Danskar og íslenskar afurðir og afrek skulu gagnkvæmlega eigi að neinu leyti sæta óhagkvæmari kjörum en nokkurs annars lands.

III.

7. gr.

Danmörk fer með utanríkismál Íslands í umboði þess.

Í utanríkisstjórnarráðinu skal skipa eftir ósk íslensku stjórnarinnar og í samráði við hana trúnaðarmann, er hafi þekkingu á íslenskum högum, til þess að starfa að íslenskum málum.

Nú er einhversstaðar enginn sendiherra eða sendiræðismaður, og skal þá skipa hann eftir ósk íslensku stjórnarinnar og í samráði við hana, enda greiði Ísland kostnaðinn. Með sömu skilyrðum skal skipa ráðunauta með þekkingu á íslenskum högum við sendisveitir og ræðismannaembætti þau, sem nú eru. Ef stjórn Íslands kys að senda úr landi sendimenn á sinn kostnað, til þess að semja um sjerstök íslensk málefni, má það verða í samráði við utanríkisráðherra.

De mellem Danmark og andre Lande allerede indgaaede og bekendtgjorte Overenskomster er, forsaavidt de angaar Island, ogsaa gældende for dette. De af Danmark efter nærværende Forbundslovs Stadfæstelse indgaaede mellemstatlige Overenskomster er ikke forpligtende for Island uden vedkommende islandske Myndigheders Samtykke.

§ 8.

Indtil Island maatte beslutte paa egen Bekostning helt eller delvis selv at overtage Fiskeriinspektionen indenfor islandsk Söomraade, udöves denne af Danmark under dansk Flag.

§ 9.

Ordnningen af Möntvæsenet vedbliver for begge Stater at være den hidtil gældende, saalænge den skandinaviske Möntunion bestaar.

Saafremt Island maatte ønske at oprette et eget Möntværk, vil Spørgsmaalet om Anerkendelsen af de der prægede Mönter som lovligt Betalingsmiddel i Sverige og Norge være at afgøre ved Forhandlinger med disse Lande.

§ 10.

Danmarks Höjesteret udöver den överste Domsmyndighed i islandske Sager, indtil Island maatte beslutte at oprette en överste Domstol i Landet selv. Indtil da skal en Dommerplads i Höjesteret besættes med en Islænding, hvilken Bestemmelse træder i Kraft ved först indtrædende Ledighed.

§ 11.

Forsaavidt Islands Andel i Omkostningerne ved Varetagelsen af de i dette Afsnit omhandlede Anliggender ikke er bestemt i det foregaaende, fast-

Samningar þeir, sem þegar eru gerðir milli Danmerkur og annara ríkja og birtir, og Ísland varða, gilda og þar. Ríkjasamningar þeir, sem Danmörk gerir eftir að sambandslög þessi hafa náð staðfestingu, skuldbinda ekki Ísland, nema samþykki rjettra íslenskra stjórnvalda komi til.

8. gr.

Danmörk hefir á hendi gæslu fiskiveiða í íslenskri landhelgi undir dönskuum fána, þar til Ísland kynni að ákveða að taka hana í sínar hendur, að öllu eða nokkru leyti, á sinn kostnað.

9. gr.

Myntskipun sú, sem hingað til hefir gilt í báðum ríkjum, skal vera áfram í gildi meðan myntsamband Norðurlanda helst.

Ef Ísland kynni að óska að stofna eigin peningasláttu, verður að semja við Svíþjóð og Noreg um það, hvort mynt sú, sem slegin er á Íslandi, skuli vera viðurkendur löglegur gjaldeyrir í þessum löndum.

10. gr.

Hæstirjettur Danmerkur hefir á hendi æðsta dómssvald í íslenskum málum, þar til Ísland kynni að ákveða að stofna æðsta dómstól í landinu sjálfu. En þangað til skal skipa Íslending í eitt dómarsæti í hæstarjetti, og kemur það ákvæði til framkvæmda, þegar sæti losnar næst í dóminum.

11. gr.

Að því leyti, sem ekki er ákveðið að framan um hlutdeild Íslands í kostnaði þeim, sem leiðir af meðferð mála þeirra, sem ræðir um í þessum

sættes den ved Overenskomst mellem begge Landes Regeringer.

kafla, skal hún ákveðin eftir samningi milli stjórnna beggja landa.

IV.

§ 12.

Andre Anliggender end de foran nævnte, som er af fælles Betydning for Danmark og Island, saasom Samfærdselsvæsen, Handels- og Toldsager, Søfart, Postvæsen, Telegraf- og Radiotelegrafvæsen, Retspleje, Maal og Vægt, samt finansielle Anliggender, ordnes ved Overenskomster mellem de i de to Stater dertil berettigede Myndigheder.

§ 13.

Det af den danske Statskasse til Island hidtil udredede aarlige Beløb af 60000 Kr. samt den danske Statskasses Udgifter til Islands Ministeriums Kontor i København bortfalder.

Ligeledes bortfalder den islandske Studerende tillagte fortrinsvise Adgang til Beneficier ved Københavns Universitet.

§ 14.

Danmarks Statskasse udreder et Beløb af to Millioner Kroner til Oprettelse af to Fonds, hvert paa en Million Kroner, hvis Formaal er at tjene til Styrkelse af den aandelige Forbindelse mellem Danmark og Island, til Fremme af islandsk Forskning og Videnskab og til Støtte af islandske Studerende. Det ene af disse Fonds henlægges til Universitetet i Reykjavik, det andet til Universitetet i København.

De nærmere Regler for Fondenes Bestyrelse og Virksomhed fastsættes af Kongen paa Indstilling af hvert Lands Regering, efter at det paagældende Universitet er hørt.

Alpt. 1918. A. (Sambandslagapingið.)

IV.

12. gr.

Öðrum málum en þeim, sem að framan eru nefnd, en varða bæði Danmörk og Ísland, svo sem samgöngumálum, verslunar- og tollmálum, siglingum, póstmálum, síma- og loftskeytasambandi, dómgæslu, máli og vigt og fjárhagsmálum, skal skipa með samningum, gerðum af þar til bærum stjórnvöldum beggja ríkja.

13. gr.

Fjárhæð sú, að upphæð 60000 kr., sem ríkissjóður Danmerkur hefir undanfarið árlega greitt Íslandi, og kostnaður ríkissjóðs Danmerkur af skrifstofu stjórnarráðs Íslands í Kaupmannahöfn, fellur niður.

Sömuleiðis eru afnumin forrjettindi íslenskra námsmanna til hlunninda við Kaupmannahafnar háskóla.

14. gr.

Ríkissjóður Danmerkur greiðir 2 miljónir króna, og skal stofna af þeim tvo sjóði, hvorn að upphæð 1 miljón króna, í því skyni að efla andlegt samband milli Danmerkur og Íslands, styðja íslenskar vísindarannsóknir og aðra vísindastarfsemi og styrkja íslenska námsmenn. Annar þessara sjóða er lagður til háskólans í Reykjavík, en hinn til háskólans í Kaupmannahöfn.

Nánari fyrirmæli um stjórn og starfsemi sjóðanna setur konungur eftir tillögum stjórnar hvors lands, að fengnu áliti háskóla þess.

§ 15.

Hvert Land bestemmer selv, paa hvilken Maade dets egne og dets Borgeres Interesser nærmere bliver at varetage i det andet Land.

V.

§ 16.

Der oprettes et raadgivende Dansk-Islandsk Nævn paa mindst 6 Medlemmer, hvoraf Halvdelen vælges af Danmarks Rigsdag og Halvdelen af Islands Althing.

Ethvert Lovforslag vedrørende den nærmere Udførelse af de i nærværende Forbundslov omhandlede Anliggender samt Lovforslag angaaende den ene Stats særlige Anliggender, der tillige har Betydning for den anden Stat og dens Borgeres Stilling og Rettigheder, skal, naar ikke Forholdene gør det særlig vanskeligt, af det paagældende Ministerium forelægges Nævnet til Betænkning, forinden det fremsættes for Rigsdagen eller Althinget. Det paahviler Nævnet at gøre Indstilling til Ændring af saadanne Bestemmelser i Forslaget, som formenes at være til Skade for den ene Stats eller dens Borgeres Interesser.

Nævnet har fremdeles den Opgave, være sig efter Opfordring fra Regeringerne eller af egen Tilskyndelse, at tage Skridt til Udarbejdelse af Forslag, der tilstræber Samvirken mellem Staterne og Ensartethed i deres Lovgivninger, samt at bidrage til Samarbejde for Tilvejebringelse af fælles nordisk Lovgivning.

De nærmere Bestemmelser om Nævnets Ordning og Virksomhed fastsættes af Kongen efter Indstilling af begge Landes Regeringer.

15. gr.

Hvort land fyrir sig ákveður, hvernig hagsmuna þess sjálfs og þegna þess skuli nánar gætt í hinu landinu.

V.

16. gr.

Stofna skal dansk-íslenska ráðgjafarnefnd, sem í eru að minsta kosti 6 menn, annar helmingur kosinn af Ríkisþingi Danmerkur og hinn helmingurinn af Alþingi Íslands.

Sjerhvert lagafrumvarp, sem varðar nánari meðferð mála þeirra, er um ræðir í sambandslögum þessum, og lagafrumvörp um sjermál annarshvors ríkisins, sem einnig varða hitt ríkið og stöðu og rjettindi þegna þess, skal hlutaðeigandi stjórnarráð leggja fyrir nefndina til álita áður en þau eru lögð fyrir Ríkisþingi eða Alþingi, nema það sje sjerstaklega miklum vandkvæðum bundið. Nefndinni ber að gera tillögur um breytingar á þeim frumvarpsákvæðum, sem hún telur koma í bága við hagsmuni annarshvors ríkisins eða þegna þess.

Nefndin hefir enn fremur það hlutverk, annaðhvort eftir tilmælum stjórnanna eða af eigin hvötum, að undirbúa samning lagafrumvarpa, er miða að samvinnu milli ríkjanna og samræmi í löggjöf þeirra, og að taka þátt í samvinnu um sameiginlega löggjöf á Norðurlöndum.

Nánari fyrirmæli um tilhögun og starfsemi nefndarinnar setur konungur eftir tillögum frá stjórnnum beggja landa.

§ 17.

Skulde der angaaende Forstaaelsen af denne Forbundslovs Bestemmelser opstaa en Meningsforskel, som ikke lader sig udligne ved Forhandling mellem Regeringerne, henvises Sagen til et Voldgiftsnævn paa 4 Medlemmer, hvoraf hvert Lands överste Domstol vælger Halvdelen. Dette Voldgiftsnævn afgör Uenigheden ved Stemmerflerhed. I Tilfælde af Stemmelighed overdrages Afgörelsen til en Opmand, som den svenske og den norske Regering skiftevis anmodes om at udnævne.

VI.

§ 18.

Efter Udlöbet af Aaret 1940 kan saavel Rigsdagen som Althinget til enhver Tid forlange optaget Forhandling om Lovens Revision.

Förer Forhandlingen ikke til fornyet Overenskomst inden Udlöbet af tre Aar fra Forlangendets Fremsættelse, kan saavel Rigsdagen som Althinget vedtage, at den i denne Lov indeholdte Overenskomst skal ophæves. Forat denne Beslutning skal have Gyldighed, maa mindst to Trediedele af Medlemmerne af hvert af Rigsdagens Ting eller af det forenede Althing have stemt derfor, og den skal derefter være bekræftet ved Afstemning af de Vælgere, der er stemmeberettigede ved de almindelige Valg til Landets lovgivende Forsamling. Saa fremt den saaledes foretagne Afstemning udviser, at mindst tre Fjerdedele af de stemmeberettigede Vælgere har deltaget i Afstemningen, og at mindst tre Fjerdedele af de afgivne Stemmer er for Ophævelsen, vil Overenskomsten være bortfalden.

17. gr.

Nú ris ágreiningur um skilning á ákvæðum sambandslaga þessara, sem stjórnirnar geta ekki jafnað með sjer, og skal þá skjóta málinu til gerðardóms 4 manna, og kýs æðsti dómstóll hvors lands sinn helming þeirra hvor. Gerðardómur þessi sker úr ágreiningunum og ræður afl atkvæða. Ef atkvæði eru jöfn, skulu úrslitin falin oddamanni, sem sænska og norska stjórnin á víxl eru beðnar að skipa.

VI.

18. gr.

Eftir árslok 1940 getur Ríkisþing og Alþingi hvort fyrir sig hve nær sem er krafist, að byrjað verði á samningum um endurskoðun laga þessara.

Nú er nýr samningur ekki gerður innan 3 ára frá því að krafan kom fram, og getur þá Ríkisþingið eða Alþingi hvort fyrir sig samþykkt, að samningur sá, sem felst í þessum lögum, sje úr gildi feldur. Til þess að ályktun þessi sje gild, verða að minsta kosti $\frac{2}{3}$ þingmanna annaðhvort í hvorri deild Ríkisþingsins eða í sameinuðu Alþingi að hafa greitt atkvæði með henni, og hún síðan vera samþykkt við atkvæðagreiðslu kjósenda þeirra, sem atkvæðisrjett hafa við almennar kosningar til löggjafarþings landsins. Ef það kemur í ljós við slíka atkvæðagreiðslu, að $\frac{3}{4}$ atkvæðishærra kjósenda að minsta kosti hafi tekið þátt í atkvæðagreiðslunni og að minsta kosti $\frac{3}{4}$ greiddra atkvæða hafi verið með samningsslitum, þá er samningurinn fallinn úr gildi.

VII.

§ 19.

Danmark meddeler udenlandske Magter, at det i Overensstemmelse med Indholdet af denne Forbundslov har anerkendt Island som suveræn Stat, og meddeler samtidig, at Island erklærer sig for stedseværende neutralt og ikke har noget Orlogsflag.

§ 20.

Denne Forbundslov træder i Kraft den 1. December 1918.

Bemærkninger til det ovenstaaende Forslag.

Om Forslaget i Almindelighed udtaler de danske Udvalgsmedlemmer følgende:

Den Dansk-Islandske Kommission af 1907 udtaler i sin Betænkning, afgiven den 14. Maj 1908, at ved Vedtagelsen af den forfatningsmæssige Ordning, hvorom Kommissionen fremsatte Forslag, vilde det statsretlige Forhold mellem Danmark og Island være fuldstændig ændret fra det Standpunkt, som indtoges i Loven af 2. Januar 1871: »I Stedet for at være bestemt ved en ensidig dansk Lovgivningsakt vil Forholdet fremtidig være bygget paa en ved gensidig Overenskomst tilvejebragt fælles Lov, vedtagen af begge Landes Lovgivningsmagter«. Island vilde herefter være et frit og selvstændigt, uafhængeligt Land, forbundet med Danmark ved fælles Konge og ved de i Forslaget opførte Fællesanliggender, saaledes at Island stilledes ved Siden af Danmark som en særlig Stat med fuld Raadighed over alle Anliggender, der ikke udtrykkelig var fastslaaede som fælles.

De fælles Anliggender skulde være følgende: Civilliste og Udgifter til Kongehuset; udenrigske Anliggender;

VII.

19. gr.

Danmörk tilkynnir erlendum ríkjum, að hún samkvæmt efni þessara sambandslaga hafi viðurkennt Ísland fullvalda ríki, og tilkynnir jafnframt, að Ísland lýsi yfir ævarandi hlutleysi sínu og að það hafi engan gunnfána.

20. gr.

Sambandslög þessi ganga í gildi 1. desember 1918.

Athugasemdir við framanskráð frumvarp.

Um frumvarpið alment láta dönsku nefndarmennirnir þessa getið:

Dansk-íslenska nefndin frá 1907 segir í álitinu sínu, dagsettu 14. maí 1908, að með samþykkt þeirrar stjórnarskipunar, sem nefndin stakk upp á, mundi ríkisrjettarsamband Danmerkur og Íslands verða algerlega annað en lögin frá 2. janúar 1871 gera ráð fyrir: »Í stað þess að skipað var fyrir um það einhliða með dönskum lögum að eins, þá verður sambandið framvegis byggt á samhljóða lögum, sem sett eru eftir samningi beggja aðilja og samþykkt af löggjafarvöldum beggja landa«. Ísland mundi samkvæmt þessu vera frjálst og sjálfstætt land, er eigi yrði af hendi látið, í sambandi við Danmörku um einn og sama konung og um þau mál, er talin eru sameiginleg í frumvarpi nefndarinnar, og þannig eins og Danmörk sjerstakt ríki með fullræði yfir öllum málum sínum, nema að því leyti, sem beint er ákveðið, að þau skuli sameiginleg.

Sameiginleg mál skyldu vera þessi: Konungsmata og gjöld til konungættar, utanríkismálefni, hervarnir á-

Forsvarsvæsenet, herunder Orlogsflaget; Hævdelse af Fiskerirettighederne; Indfødsretten; Möntvæsenet; Höjesteret; Handelsflaget udadtil. Efter 25 Aars Forløb kunde saavel Rigsdag som Althing forlange Revision; hvis denne ikke førte til et Resultat, vilde der fra hver Side kunne kræves Ophævelse af Fællesskabet i Henseende til alle de nævnte Anliggender undtagen de tre første i Rækken.

Det nu foreliggende Forslag følger de samme Retningslinier, som ifølge det foran anførte tilsigtedes ved Forslaget af 1908, og tilstræber ved at optrække dem endnu klarere at fjerne enhver Anledning til fremtidige Tvistemaal. Danmark og Island er efter nærværende Forslag to fuldt ligestillede, frie og suveræne Stater, der forbindes ved fælles Konge og ved en under gensidig Frihed indgaaet Overenskomst. Denne Overenskomst omfatter de samme Emner som Forslaget af 1908 med følgende Undtagelser: Statsydelseerne til Kongen og Kongehuset fastsættes af hver Stat for sig (§ 5); Island fører eget Handelsflag, ogsaa udadtil; Omtalen af et fælles Forsvarsvæsen er udeladt, da Island ikke har noget Forsvarsvæsen, ligesom det ikke fører noget Orlogsflag (§ 19).

Med Hensyn til Overenskomstens Revision og dens mulige Opsigelse er der indført en noget kortere Tidsfrist end i Forslaget af 1908; men samtidig er en Ophævelse gjort betinget af, at Beslutning herom vedtages i et af Landene med kvalificeret Majoritet saavel af den lovgivende Forsamling som ved Afstemning af Vælgerne (§ 18).

De islandske Udvalgsmedlemmer fremsætter følgende Udtalelse:

samt gunnfána, gæsla fiskiveiðarjettar, fæðingjarjettur, peningasláttu, hæstirjettur, kaupfáninn út á við. Að 25 árum liðnum gátu Ríkisþing og Alþingi krafist endurskoðunar. Ef hún yrði árangurslaus, gat hvor aðili krafist, að sambandinu yrði slitið um öll þau mál, er að framan greinir, að undanskildum þrem hinum fyrst nefndu.

Frumvarp það, sem hjer liggur fyrir, fer í sömu stefnu sem ætlast var til samkvæmt því, er að framan greinir, að frumvarpið frá 1908 færi, og leitast við að marka hana enn skýrar til þess að koma í veg fyrir nokkurt til efni til ágreinings framvegis. Samkvæmt þessu frumvarpi eru Danmörk og Ísland jafnrjetthá, frjáls og fullvalda ríki, í sambandi um einn og sama konung og um samning gerðan af frjálsu vilja beggja.

Þessi samningur fjallar um sömu mál sem frumvarpið frá 1908 með þessum undantekningum: Greiðslur og ríkisfje til konungs og ættmanna hans ákveður hvort ríki fyrir sig (5. gr.); Ísland hefir eigin kaupfána, einnig út á við; umtal um sameiginleg hermál er fallið burt, með því að Ísland hefir engin hermál og ekki heldur gunnfána (19. gr.).

Að því er snertir endurskoðun samningsins og uppsögn, ef til kemur, eru settir nokkru styttri frestir heldur en í frumvarpinu frá 1908, en jafnframt eru þau skilyrði sett fyrir samningssslitum, að ályktun um það sje samþykkt í öðru hvoru landinu með tilteknum meiri hluta atkvæða bæði af löggjafarþinginu og við atkvæðagreiðslu meðal kjósenda (18. gr.).

Íslensku nefndarmennirnir óska að taka fram það, er hjer segir:

Ved Forhandlingernes Begyndelse foreslog de islandske Udvalgsmedlemmer, at der blev vedtaget en særlig Traktat angaaende Kongefællesskabet og andre grundlæggende Bestemmelser vedrørende Islands og Danmarks Forbindelse. Derefter skulde der indgaas en anden Overenskomst angaaende andre Anliggender, der maatte blive Genstand for fælles Udøvelse eller paa anden Maade vedrøre begge Stater. De danske Udvalgsmedlemmer mente, at den danske Rigsdag ved Vedtagelse af Bestemmelser om Landenes Forbindelse ikke kunde benytte anden Fremgangsmaade end den for Loves Vedtagelse gældende. For begge Udvalgenes Medlemmer stod det klart, at det var underordnet, paa hvilken Maade Forbundsbestemmelserne blev vedtaget. Enhver af Parterne vilde benytte den af deres Forfatningslove og Tingenes Forretningsordener følgende Fremgangsmaade. Endvidere var begge Udvalgenes Medlemmer enige om, at det ogsaa var af underordnet Betydning, i hvilken Form Forbundsbestemmelserne fremtraadte, hvad enten i et eller to Dokumenter, idet der ikke eksisterer bestemte Regler for mellemstatlige Overenskomsters Form. Indholdet er det afgørende. Derom mener Udvalgene, at der ikke kan herske nogen Tvivl. De her omhandlede Forbundsbestemmelser kommer i Stand ved Overenskomst, hvor to ligeberettigede Parter forhandler om en bestemt gensidig Forbindelse, hvorved begge Parter kun forpligter sig af egen fri Villie uden at være tvungne dertil af noget fremmed Magtbud.

I Henhold til det foran anførte har de islandske Udvalgsmedlemmer heller ikke ment, at det var af Betydning, om der om Forbundsbestemmelserne

Í upphafi var það uppástunga íslensku nefndarmannanna, að gerður væri sjerstakur sáttmáli um konungssambandið og önnur grundvallaratriði um samband landanna, Íslands og Danmerkur. En síðan skyldi annar samningur gerður um önnur mál, er sæta kynnu sameiginlegri meðferð eða varða kynnu ríkin bæði á annan hátt. Dönsku nefndarmennirnir töldu ríkisþing Dana eigi geta haft aðra aðferð, er það samþykki ákvæðin um samband landanna, en þá, er lög væru samþykkt. Það var allri nefndinni ljóst, að það væri aukaatriði, hvaða aðferð höfð væri um samþykkt sambandsákvæðanna. Hvor aðili færi með það eftir ákvæðum sinna stjórnskipunar-laga og þingskapa. Svo var og báðum nefndunum ljóst, að það væri einnig aukaatriði, í hvaða form sambandsákvæðin væru búin, hvort þau væru heldur í einu eða tvennu lagi, því að form ríkjasamninga er hvergi föstum reglum bundið. Alt veltur á efninu. Á því telja nefndirnar engan vafa vera. Sambandsákvæði þau, er hjer greinir, verða til fyrir samkomu-lag, þar sem tveir jafnrjetháir aðiljar semja um ákveðið samband sín á meðal og báðir binda sig að eins samkvæmt sjálfs sin vilja og eru af engu öðru valdi til þess knúðir.

Samkvæmt þessu hafa íslensku nefndarmennirnir eigi heldur talið það máli skifta, þó að sambandsákvæðin væru nefnd »Sambandslög« á íslensku og

blev anvendt Benævnelsen »Sambandslög« paa Islandsk og »Forbundslov« paa Dansk, idet det til Trods derfor er klart, at deres Indhold, med Undtagelse af Kongefællesskabet, hviler paa en Overenskomst, hvilket ogsaa anerkendes i nærværende Forslags §§ 1 og 18.

Om enkelte Bestemmelser i Forslaget tilføjer det samlede Udvalg:

Til § 6.

Af Landenes Selvstændighed følger selvstændig Statsborgerret. Derfor er der fra dansk Side lagt Vægt paa at fastslaa, at alle statsborgerlige Rettigheder er fuldt ud gensidige uden Forbehold eller Indskrænkning. Af denne Gensidighed følger, at enhver nu bestaaende Indskrænkning i den fulde indbyrdes Ligestillethed bliver at opheve (saasom den af Islands Forfatningslov af 19. Juni 1915 § 10 fremgaaende Ulighed i Valgretten).

Da hvert af Landene selvstændig meddeler Statsborgerret (Indfødsret), der tillige faar Virkning i det andet Land — hvilken Ordning er i Samklang med den i Kommissions-Forslaget af 1908 indeholdte — gaar man ud fra, at Reglerne for Statsborgerrets Erhvervelse og Fortabelse vedbliver at være indbyrdes overensstemmende mellem de to Lande.

Hvad særlig angaar den gensidige Ret til Fiskeri paa Söomraadet, er det fra islandsk Side blevet fremhævet, at de faktiske Forhold gør denne Gensidighed mere værdifuld for de Danske end for Islænderne. Man har derfor fremsat et Önske om, at der aabnes Island Adgang til Fiskeri paa Grönlands Söomraade. Dette lader sig under Grönlands nuværende Styresæt ikke

»Forbundslov« á dönsku, enda þar fyrir auðsætt, að efni þeirra, að undanteknu konungssambandinu, byggist á samningi, sem og er viðurkennt í 1. og 18. gr.

Nefndirnar báðar láta það um mælt, er hjer segir, um einstök atriði frumvarpsins:

Um 6. gr.

Sjálfstæði landanna hefir í för með sjer sjálfstæðan rikisborgararjett. Þess vegna er af Dana hálfu lögð áhersla á, að skýlaust sje ákveðið, að öll rikisborgararjettindi sjeu algerlega gagnkvæm án nokkurs fyrirvara eða afdráttar. Af þessari gagnkvæmni leiðir það, að afnema verður allar þær takmarkanir, sem nú eiga sjer stað á fullu gagnkvæmu jafnrjetti (svo sem mismun þann á kosningarrjetti, sem kemur fram í 10. gr. stjórnarskipunarlaga Íslands frá 19. júní 1915).

Með því að hvort landið fyrir sig veitir rikisborgararjett (fæðingjarjett), sem einnig hefir verkanir í hinu landinu — en sú skipun er svipuð því, sem nefndarfrumvarpið frá 1908 kveður á um í því efni — er gert ráð fyrir, að fyrirmælin um það, hvernig menn öðlast og missa rikisborgararjett verði sem áður innbyrðis samræm í báðum löndunum.

Að því er sjerstaklega snertir hinn gagnkvæma rjett til fiskiveiða í landhelgi, hefir því verið haldið fram af hálfu Íslendinga, að eins og ástatt er, sje þessi rjettur meira virði fyrir Dani en Íslendinga. Það hefir því komið fram ósk um, að Íslendingum veitist kostur á að stunda fiskiveiðar í landhelgi Grænlands. Þetta getur ekki orðið meðan stjórn Grænlands er með þeim

virkeleggöre, men det er en Selvfølge, at hvis der i større eller mindre Udstrækning gives Adgang for danske Statsborgere til Fiskeri paa Grönlands Omraade, vil den samme Ret tilkomme ogsaa islandske Statsborgere.

Til § 7.

Medens det danske Udenrigsstyre, der paa Islands Vegne tillige varetager dettes Udenrigsanliggender, maa være en Enhed, hvis Ledelse er samlet saaledes, at Mulighed for indbyrdes modstridende Beslutninger og Handlinger er udelukket, er der indsat Bestemmelser til Betryggelse af, at Udenrigsstyret ved Behandlingen af islandske Sager kan raade over den fornødne Sagkundskab saavel i Udenrigsministeriet som ved Gesandtskaberne og Konsulaterne. For at disse Bestemmelser kan blive fuldt virksomme, maa det forventes, at Islændinge i større Omfang, end Tilfældet har været i de senere Aar, søger og opnaar Ansættelse i Udenrigsministeriet for at tilegne sig den fornødne Uddannelse.

Naar det i Forslaget udtales, at den islandske Regering efter nærmere Aftale med Udenrigsministeren kan udsende Delegerede til at forhandle om særlige islandske Forhold, er denne Bestemmelse ikke til Hinder for, at den islandske Regering under særlig paatrængende Forhold, hvor en nærmere Aftale ikke altid forud vil kunne foreligge, kan blive nødsaget til at handle, uden at en saadan er truffen, saaledes som Tilfældet allerede nu har været under Verdenskrigen. Det maa forudsættes, at Udenrigsministeren snarest mulig sættes i Kundskab om ethvert saaledes foretaget Skridt.

Landenes Selvstændighed medfører, at der ikke kan afsluttes nogen for Island forpligtende Traktat uden de

hætti sem nú, en það er einsætt, að ef dönskum ríkisborgurum verður að meira eða minna leyti veittur kostur á að stunda fiskiveiðar í landhelgi Grænlands, þá munu íslenskir ríkisborgarar einnig verða sama rjettar að-njótandi.

Um 7. gr.

Enda þótt danska utanríkisstjórnin, sem fer með utanríkismál Íslands í þess umboði, hljóti að vera ein, undir einni yfirstjórn, til þess að girða fyrir gagnstæðar ályktanir og framkvæmdir, hafa þó verið sett ákvæði til þess að tryggja það, að utanríkisstjórnin eigi við meðferð íslenskra mála kost á nægilegri sjerþekkingu bæði í utanríkisstjórnaráðinu og við sendisveitirnar og ræðismannaembættin. Til þess að þessi ákvæði geti komist í fulla framkvæmd er þess að vænta, að Íslendingar, frekar en verið hefir að undanfögnu, sæki um og fái stöður í utanríkisstjórnarráðinu til þess að afla sjerþekkingu fullkomunar, sem þörf er á.

Þar sem í frumvarpinu segir, að íslenska stjórnin geti eftir nánara samkomulagi við utanríkisráðherra sent sendimenn úr landi til þess að semja um málefni, sem sjerstaklega varða Ísland, er þetta ákvæði ekki því til fyrirstöðu, að þegar sjerstaklega brýna nauðsyn ber til, og ekki æfinlega er unt að ná til utanríkisráðherrans áður, geti íslenska stjórnin eigi að síður neyðst til að gera ráðstafanir, eins og þegar hefir átt sjer stað á tímum heimsstyrjaldarinnar. Það er gengið að því visu, að utanríkisráðherra num verði skýrt frá hverri slikri ráðstöfun svo fljótt sem því verður við komið.

Það leiðir af sjálfstæði landanna, að ekki verður gerður nokkur samningur, er skuldbindi Ísland, nema samþykki

vedkommende islandske Myndigheders Samtykke, hvilket Samtykke efter Omstændighederne kan blive meddelt enten før eller efter Traktatens Afslutning.

Til § 8.

Den af Danmark udövede Fiskeri-inspektion sker paa dansk Bekostning. Danmark er uden Forpligtelse til at udvide dens hittidige Omfang.

Til § 10.

Saalænge Højesteret udöver den højeste Domsmyndighed i islandske Sager, bliver en af Dommerpladserne at besætte med en Islænding, der foruden at være kyndig i islandsk Ret og kendt med islandske Forhold, ogsaa maa fyldestgøre de almindelige Betingelser for at kunne tage Sæde i Højesteret. Det kan i saa Henseende blive nødvendigt at foretage en Ændring i den danske Lov om Rettens Pleje § 43.

Til § 12.

Blandt Spørgsmaal vedrørende Retsplejen, hvor om det vil være ønskeligt at træffe nærmere Overenskomst, har man fra islandsk Side blandt andet fremhævet Ordningen af Dommes Exigibilitet.

Til §§ 13 og 14.

Man er enig om, at ethvert i sin Oprindelse omstridt finansielt Mellemværende mellem Danmark og Island bør bringes til Ophør, saaledes som det ogsaa tilsigtedes ved Kommissions-Forslaget af 1908, hvorfor det foreslaas, at det af den danske Statskasse hidtil udredede aarlige Beløb af 60000 Kr. bortfalder.

Ligeledes bortfalder Danmarks Udgifter til Islands Ministeriums Kontor i København og de islandske Studer-

Alpt. 1918. A. (Sambandslagapingið).

rjettra islenskra stjórnvalda komi til, og má eftir ástæðum veita það samþykki annaðhvort áður eða eftir að samningurinn er gerður.

Um 8. gr.

Danmörk ber kostnaðinn af þeirri fiskiveiðagæslu, sem hún hefir á hendi. Danmörku ber eigi skylda til að auka hana frá því, sem verið hefir.

Um 10. gr.

Á meðan hæstirjettur hefir á hendi æðsta dómvald í islenskum málum, skal skipa í eitt dómarsæti Íslending með sjerþekkingu á islenskum lögum og kunnan islenskum högum, sem auk þess verður að fullnægja hinum almennu skilyrðum til þess að geta orðið dómari í hæstarjetti. Það getur því orðið þörf á að breyta 43. gr. í hinum dönsku lögum um dómgæslu.

Um 12. gr.

Meðal þeirra málefna, er við koma dómgæslunni og æskilegt væri að gera nánari samninga um, hefir af hólfu Íslendinga meðal annars verið bent á aðfararhæfi dóma.

Um 13. og 14. gr.

Samkomulag er um það, að öll skuldaskifti milli Danmerkur og Íslands, sem menn hefir greint á um, hvernig væru til komin, eigi að vera á enda kljád, eins og líka var tilætlunin í nefndarfrumvarpinu frá 1908, og því er lagt til, að fjárhæð sú, að upphæð 60000 kr., sem rikissjóður Danmerkur hefir undanfarið árlega greitt, skuli falla niður.

Sömuleiðis fellur niður kostnaður Danmerkur af skrifstofu stjórnarráðs Íslands í Kaupmannahöfn og for-

endes fortrinsvise Adgang til Beneficier ved Köbenhavns Universitet.

Samtidig foreslaas det, at Danmark udreder 2 Millioner Kroner til Formaal, som tilsigter at befæste den aandelige Samvirken mellem Landene, at fremme islandsk Forskning og Videnskab og at støtte islandske Studerende.

Til § 15.

Det er nödvendigt, at hvert af Landene er repræsenteret i det andet Land ved et Organ, der — i Lighed med det islandske Ministeriums allerede nu bestaaende Kontor i Köbenhavn — har til Opgave at sikre Samarbejdet mellem Regeringerne og at varetage de egne Borgeres Interesser. Det stilles imidlertid hvert af Landene frit for at bestemme, hvilken Form det maatte ønske at give denne sin Repræsentation.

Til §§ 16 og 17.

Der er opnaaet fuld Enighed om Oprettelsen og Sammensætningen dels af et raadgivende Nævn, hvis Opgave er at fremme Samvirken mellem Landene, tilstræbe Ensartethed i deres Lovgivninger og vaage over, at der ikke vedtages Foranstaltninger, som kunde være til Skade for det andet Land, — dels af et Voldgiftsnævn til Afgörelse af mulig opstaaende Uenigheder om Forbundslovens Forstaaelse.

Til § 19.

Islands Erklæring af stedsevarende Neutralitet forudsætter i Overensstemmelse med denne Forbundslovs Karakter, at den ene af de to Stater kan forblive neutral, selv om den anden indvikles i Krig.

rjettindi islenskra námsmanna til hlunninda við Kaupmannahafnarháskóla.

Jafnframt er lagt til, að Danmörk greiði 2 miljónir króna, er verja skal til að efla andlega samvinnu milli landanna, styðja islenskar visindarannsóknir og aðra visindastarfsemi og styrkja islenska námsmenn.

Um 15. gr.

Það er nauðsynlegt, að hvort landið um sig hafi í hinu landinu málsvara — í líkingu við núverandi skrifstofu stjórnarráðs Íslands í Kaupmannahöfn, — sem hafi það hlutverk að tryggja samvinnu milli stjórnanna og gæta hagsmuna borgara síns lands. En hvort land er látið sjálfrátt um að ákveða, hvernig það kynni að vilja haga þessu fyrirvari.

Um 16. og 17. gr.

Það hefir náðst fullkomið samkomulag um stofnun og skipun tveggja nefnda, annarar ráðgjafarnefndar, sem hefir það hlutverk að efla samvinnu milli landanna, stuðla að samræmi í löggjöf þeirra og hafa gætur á því, að engar ráðstafanir sjeu gerðar af öðru landinu, sem geti orðið til tjóns fyrir hitt landið, — hinnar gerðardómsnefndar til þess að skera úr ágreiningi, er rísa kynni um skilning sambandslaganna.

Um 19. gr.

Yfirlýsing Íslands um ævarandi hlutleysi hvílir á því, að samkvæmt eðli þessara sambandslaga getur annað ríkið verið hlutlaust, þó að hitt lendi í ófriði.

Til § 20.

Ved at bestemme, at Loven træder i Kraft den 1. December d. A., formenes det, at der vil være givet rundelig Tid til, at den kan blive vedtaget af Althinget, godkendt af de islandske Vælgere og vedtaget af Rigsdagen.

Um 20. gr.

Par sem ákveðið er, að lögin gangi í gildi 1. desember þ. á., er búist við, að nægur tími verði til þess, að lögin geti orðið samþykkt í tæka tíð af Alþingi og íslenskum kjósendum og af Ríkisþingi Danmerkur.

Reykjavík, 18. júlí 1918.

*C. Hage.**Jóh. Jóhannesson.**Erik Arup.**Bjarni Jónsson
frá Vogu.**F. J. Borgbjerg.**J. C. Christensen.**Einar Arnórsson.**Þorsteinn Jónsson.*

Ovenstaaende Forslag tiltrædes af Islands Ministerium.

Ráðuneyti Íslands fellst á framskráð frumvarp.

Reykjavík, 18. júlí 1918.

*Jón Magnússon.**Sig. Eggerz.**Sigurður Jónsson.***Nd.****2. Frumvarp**

til laga um sjerstakar dómþinghár í Skarðs- og Klofningshreppum.

Flutningsmaður: Bjarni Jónsson frá Vogu.

Skarðshreppur og Klofningshreppur í Dalasýslu skulu vera sjerstakar dómþinghár, og skulu þingstaðirnir vera að Skarði og Dagverðarnesi.

Greinargerð.

Hreppsnefndir Skarðs- og Klofningshreppa hafa farið þess á leit við mig, að jeg flytti nú á aukþinginu lagafrumvarp í þessa átt.

Hinn forni Skarðstrandarhreppur, sem nú er skift í Skarðs- og Klofningshreppa, er, eins og kunnugt er, mikill að viðáttu, og þingsókn á einn stað hefir því jafnan verið erfið. Það er því sjálfsagt að verða við þessari beiðni, sem styðst við almenna ósk íbúanna í báðum hinum nýju hreppum.

Nd.

3. Nefndarátt

um frumvarp til dansk-íslenskra sambandslaga (stj.frv.).

Frá meiri hluta sameinaðra fullveldisnefnda efri og neðri deildar Alþingis 1918

Á fyrsta fundi sameinaðra fullveldisnefnda beggja deilda Alþingis var ofanskráð frumvarp tekið til meðferðar. Meiri hluti nefndanna tjáði sig frv. fylgjandi óbreyttu, en einn nefndarmanna (Magnús Torfason þingm. Ísfríðing) lýsti sig ósamþykkan. Mun minni hlutinn lýsa afstöðu sinni í sjeráliti. En meiri hlutinn leyfir sjer að ráða Alþingi til þess að samþykkja frv. óbreytt. Að öðru leyti skal meiri hlutinn láta það um frv. mælt, er nú skal greina:

I.

Á Alþingi 1917 var sett nefnd í Nd. eftir tillögu, er 10 þingmenn í deildinni (þeir Magnús Pjetursson, Bjarni Jónsson frá Vogu, Gíslí Sveinsson, Einar Arnórsson, Magnús Guðmundsson, Benedikt Sveinsson, Skúli S. Thór-oddsen, Jón Jónsson, Björn R. Stefánsson og Þórarinn Jónsson) fluttu. Starf-aði nefnd þessi meðan þing stóð, vann meðal annars að fánamálinu og tókst að sameina alla flokka þingsins um þær kröfur, er gera skyldi í sjálfstæðismáli landsins. Á sama þingi samþykktu báðar deildir ályktun þess efnis, að skora á ráðuneyti Íslands að fá því framgengt við konung landsins, að það fengi siglingafána, í stað þess siglingafána, er það hefir um skeið haft og er sami fáni sem konungsríkið Danmörk, sambandsland vort, hefir. Samkvæmt tjeðri þings-ályktun bar forsætisráðherra Íslands málið upp fyrir konungi í ríkisráði 14. nóv. f. á. Konungur ljet svo um mælt, að hann gæti eigi fallist á tillögu forsætisráðherra, nema því að eins að jafnframt lægi fyrir honum til staðfesting- ar lög um allsherjarskipun á rjettarsambandi landanna, Danmerkur og Íslands. Einnig fjellu ummæli í þá átt frá konungi, að hann myndi fallast á það, að reynt væri þá þegar að koma nýju skipulagi á sambandið alt milli landanna. Svo tjáði og formaður ráðuneytis Danmerkur stjórnnina þar fúsa til þess að taka upp samninga um málið. Alþingi, sem kvatt var til fundar 10. apr. þ. á., samþykkti það fyrir sitt leyti, að samningar væru reyndir um sambandsmálið af nýju, og slíkt hið sama gerði Ríkisþing Danmerkur, er kvatt var til fundar 28. maí þ. á. Varð það að ráði, að sendir skyldu menn frá Danmörku hing- að til lands til þess að semja um málið við Alþingi og stjórn. Komu sendi- menn Dana hingað um mánaðamótin júní og júlí. Alþingi kjóri af sinni hálfu 4 menn, jafnmarga sendimönnum Dana, til þess að hafa á hendi milligöngu og samninga við sendimennina dönsku. Stóðu þær samningagerðir frá 1. júlí til 18. s. m. Báru milligöngumennirnir íslensku sig saman um hvatvetna bæði við þingflokka, fullveldisnefndir þingsins og stjórn. Árangur samningatítrauna nefnd- armanna Alþingis og sendimannanna dönsku má nú líta í frumvarpi því, sem stjórn Íslands hefir lagt fyrir þetta þing og hjer skal nánar um rætt.

II.

Um frumvarpið *alment*, *fyrirsögn* og *I. kafla* þess vilja nefndirnar láta þessa getið:

Fullveldisnefndirnar á síðasta þingi, fyrra aukáþinginu þetta ár, gerðu uppkast að sjerstökum sáttmála um konungssambandið milli Danmerkur og Íslands og ýms önnur grundvallaratriði um skipun á sambandi landanna. Auk þess ætluðust nefndirnar til þess, að gerðir yrðu aðrir samningar sjerstaklega um önnur atriði, ef þörf gerðist, svo sem ef Danmörku kynni að verða falin meðferð einhverra mála um einhvern tíma í umbodi Íslands. Milligöngumennirnir íslensku skýrðu nefndunum frá því, að eigi myndi unt að fá því framgengt, að þetta form-skipulag, sem nefndirnar höfðu stungið upp á, yrði lagt til grundvallar samningagerðunum. Eftir nákvæma íhugun á þessu atriði komust nefndirnar að þeirri niðurstöðu, að það, hvort samningar við Danmörk skyldu vera í einu lagi eða tvennu, væri aukaatriði. Skulum vjer leyfa oss að tilfæra hjer orðrjett kafla úr athugasemdum dönsku og íslensku nefndarmannanna um þetta efni, og erum vjer þessum ummælum fyllilega samþykkir:

»Í upphafi var það uppástunga íslensku nefndarmannanna, að gerður væri sjerstakur sáttmáli um konungssambandið og önnur grundvallaratriði um samband landanna, Íslands og Danmerkur. En síðan skyldi annar samningur gerður um önnur mál, er sæta kynnu sameiginlegri meðferð eða varða kynnu rikin bæði á annan hátt. Dönsku nefndarmennirnir töldu Ríkisþing Dana eigi geta haft aðra aðferð, er það samþykkti ákvæðin um samband landanna, en þá, er lög væru samþykkt. Það var allri nefndinni ljóst, að það væri aukaatriði, hvaða aðferð höfð væri um samþykkt sambandsákvæðanna. Hvor aðili færi með það eftir ákvæðum sinna stjórnskipunarlagu og þingskapa. Svo var og báðum nefndunum ljóst, að það væri einnig aukaatriði, í hvaða form sambandsákvæðin væru búin, hvort þau væru heldur í einu eða tvennu lagi, því að form ríkjasamninga er hvergi föstum reglum bundið. Alt veltur á efninu. Á því telja nefndirnar engan vafa vera. Sambandsákvæði þau, er hjer greinir, verða til fyrir samkomulag, þar sem tveir jafnrjettháir aðiljar semja um ákveðið samband sín á meðal og báðir binda sig að eins samkvæmt sjálfs sin vilja og eru af engu öðru valdi til þess knúðir.

Samkvæmt þessu hafa íslensku nefndarmennirnir eigi heldur talið það máli skifta, þó að sambandsákvæðin væru nefnd »Sambandslög« á íslensku og »Forbundslov« á dönsku, enda þar fyrir auðsætt, að efni þeirra, að undanteknu konungssambandinu, byggist á samningi, sem og er viðurkent í 1. og 18. gr.«.

Því til staðfestingar, að fullveldisnefndir og samninganefndin íslenska liti rjett á þetta mál, látum vjer þess getið, að helstu fræðimenn í þjóðarjetti halda fram þessari sömu skoðun. Einna ljósast er þetta sagt í kenslubók Gje:sviks í þjóðarjetti (N. Gjelsvik, Lærebok i folkerett. Oslo. 1915) bls. 134: »Millirikjasamningur breytir ekki samningseðli sínu, þótt hann sje samþykktur í öðru ríkinu eða báðum í öðrum ríkisrjettarbúningi en tíðkast um samninga. Sama er og þótt samningur sje samþykktur sem stjórnarskrá. Stjórnarvöldin geta breytt öðrum fyrirmælum stjórnarskipunarlaganna eftir vild sinni, ef þau fara eftir þeim ákvæðum, sem sett eru í stjórnarskipunarlögum um slíkar

breytingar. En þau geta ekki breytt eftir geðþótta sinum samningaákvæðum þeim, sem tekin eru í stjórnarskrár. Þeim verður að eins breytt með samþykki þess ríkis, sem samningurinn er gerður við. Að þessu leyti eru samningar ríkari en venjuleg stjórnarskrár-fyrirmæli. En á hinn bóginn eru samninga-ákvæði undirorpin sömu veiklun, jafnvel þótt í stjórnarskrá sje, sem venjuleg samningsákvæði. Ef annar aðili rýfur eitthvert atriði samnings, getur hinn aðilinn sagt samningnum upp að öllu. Samningar, sem samþykktir eru í öðru ríki eða báðum sem stjórnarskrá, eru engin undantekning frá þessu. Þótt annað ríkið neyti uppsagnarrjettar þess, er samningsrof veita, þarf það ekki að segja upp með þeim hætti, sem hafa skal þegar stjórnarskrá er breytt. Því að ekki er til þess ætlast, að þeim fyrirskipunum sje fylgt þegar svo stendur á.

Sami höfundur ritar í brjefi til Bjarna Jónssonar frá Vogu, 4. ágúst þ. á., eftirfarandi orð um einmitt þetta atriði þessa frumvarps: »Formsins vegna vildi jeg hafa óskað, að fyrirsögnin hefði eigi verið *sambandslög*, heldur *sáttmáli* eða *sæltargerð*. En að efni er engin vafi á því, að hjer er um að ræða *sáttmála* milli sjálfstæðra ríkja. Jeg tel það afar mikilsvert, bæði fyrir Ísland og Danmörk, að þessi sáttmáli verði að lögum *nú* — og það *þegar i stað*. — Öllum heimi verður að gera það ljóst, að afstaða Íslands og Danmerkur sje sú, að stórveldin fái ekki færi á að hafa Ísland að verslunarvöru — með því að þvinga Dani — sbr. 1814!«.

Um efni fyrirhugaðra samninga skal þess getið, að fullveldisnefndir og þingheimur allur var staðráðinn í því að krefjast viðurkenningar Danmerkur á fullveldi Íslands í konungssambandi við Danmörk og slá engu af því. Er þá fyrst athugandi, a) hvort viðurkenning á fullveldi landsins sje fengin með þessu frv. og því næst, b) hvort hreint konungssamband sje fengið. Skulu þessi atriði nú rakin nokkuru nánar.

a) Samningur sá, er felst í frv. því, sem hjer liggur fyrir, hvílir beinlínis á þeim grundvelli, að báðir þeir aðiljar, sem að því standa, geri hann af fullveldi sínu, þ. e. hæfileika til að skuldbinda sig með gerðum sinum og aðgerðaleysi. Hvor aðili skuldbindur sig hjer fyrir sjálfs sin vilja, en eigi fyrir valdboð annara, og skuldbindingin nær eigi lengra en hvor aðili lætur sjer lynda.

Þá geymir frv. skýlaust orðaða skýrslu um það, að hvort ríkið um sig sje frjálst og fullvalda, sjá 1. gr., og sýnir það ljóst, það sem áður er sagt, að samningurinn hvílir á fullveldi beggja aðilja. Enn fremur felur 19. gr. í sjer viðurkenningu Danmerkur á fullveldi Íslands, því að samkvæmt henni heitir Danmörk Íslandi því, af því að Danmörk hefir umboð Íslands, samkv. 7. gr., til meðferðar utanríkismála þess, að tilkynna erlendum ríkjum, að hún hafi, samkvæmt sambandslögunum, viðurkent Ísland fullvalda ríki. Það er því berum orðum sagt í frumvarpinu, að Ísland sje fullvalda (»soverænt«) ríki.

Auk þess er talað um í frv. ýmsar athafnir íslenska ríkisins í framtíðinni, er eigi gætu átt sjer stað, nema það væri fullvalda ríki. Þar til má fyrst nefna 19. gr. frv. Samkvæmt henni lýsir Ísland yfir ævarandi hlutleysi sínu. Ef Ísland væri eigi fullvalda í sambandi við Danmörk, gæti það ekki haldist hlutlaust, ef Danmörk lenti í ófriði, svo lengi sem sambandið stendur. Og ekkert ófullvalda ríki getur sjálfst lýst hlutleysi sínu. Það ríki, sem hefir fyrirvar fyrir því eða yfirráð yfir því, hlýtur að gefa út slíka yfirlýsingu,

algerlega á eindæmi sitt og á ábyrgð sína. Danmörk birtir að visu hlutleysis-yfirlýsinguna samkvæmt 19. gr. frv., en það gerir Danmörk sakir þess, að hún hefir umboð Íslands til þess að fara með utanríkismál þess, og er yfirlýsingin einn þáttur þess erindrekstrar.

Þá er 18. gr. frv. Samkvæmt henni er hvoru ríkinu um sig heimilt að segja samningnum slitíð eftir ákveðinn tíma, enda þótt eigi sje samningsrof-um til að dreifa. Þetta ákvæði sýnir glögt fullveldið, því að engum ófullvalda aðilja mundi slíkur rjettur veittur.

17. gr. um gerðardóminn bendir eindregið í sömu átt. Deilumálum um skilning sambandslaganna skal ráða til lykta af gerðardómi. Oddamaður verður kjörinn af stjórn Noregs eða Svíþjóðar. Engin slík gerðardómsákvæði verða sett, nema fullvalda ríki eigi í hlut. Umboð, sem Ísland veitir Danmörku til meðferðar utanríkismála (7. gr.), og samþykki Íslands til þess að konungur megi vera þjóðhöfðingi í öðrum ríkjum (4. gr.), sýna einnig fullveldi Íslands. Einnig mætti bæta hjer við, eftir skoðunum sumra þjóðrjettarfræðinga, ákvæð-um frv. um sjerstakan ríkisborgararjett (6. gr.) og um samninga um ýms mál (12. gr.), því að fullvöld ríki ein gætu, að þeirra skoðun, haft slíkan rjett sem í þessum greinum getur.

Af því, sem nú hefir verið sagt, má sjá það, að Ísland hefir eigi að eins fullveldi samkvæmt skýrum orðum frv. (1. og 19. gr.), heldur einnig öll ytri merki fullveldisins. Það skuldbindur sig samkvæmt vilja sínum og eigi annara. Það veitir umboð til meðferðar utanríkismála sinna, og hefir því sendiherrarjett og sáttmálsrjett (jus legationum og jus foederum), því að eigi mætti Ísland umboð gefa til meðferðar þessara mála, ef það ætli þau eigi sjálfst. Af ákvæðum 19. gr. leiðir, að Ísland hefir líka vald friðar og styrjaldar (jus belli ac pacis), þar sem það ræður að lögum hlutleysi sínu, hvernig sem um sambandsland þess fer, og hermál sambandslandsins skifta það engu máli.

Enn skal það sýnt, að báðum ríkjunum er gert jafnhátt undir höfði í sáttmála þessum. Í fyrsta kaflanum er það sagt beinlínis í hverri grein og sumum tvisvar. En þessi kaflí er, sem fyr segir, yfirlýsing um að ríki þessi hafi verið og sjeu bæði fullvalda og jafnrjetthá. Í hinum köflum frv. kemur sama fram. Þar eru bæði ríkin í II. kaflanum gerð jöfn að því, að hvort þeirra hefir sinn þegnrjett, sem það að sjálfsögðu hefir vald til að veita mönnum eða svífta þá eftir vild. Auk þess eru þegnar hvors um sig undanþegnir herskyldu í hinu. Í III. kaflanum eru þau gerð jöfn að því, að hvort um sig ráðstafar utanríkismálum sínum (7. gr.), að bæði ráða myntskipun og myntsláttu (9. gr.) og að hvort um sig hefir dómsvaldið óskorað (10. gr.). Í IV. kaflanum eru þau og ger jafnrjettháir samningsaðiljar um þau mál, er 12. gr. nefnir, og jafnrjetthá um gæslu hagsmuna sinna hjá hinu ríkinu (15. gr.). Þá gerir 17. gr. þau jöfn um úrskurð á deilum, sem þar greinir. Enn gerir 18. gr. þau jöfn um sáttmálsendurskoðun og sáttmálsslit, og 19. gr. sýnir, að hvort um sig er jafnbært sem hitt að ráða hermálum sínum. Og hvergi eru þau gerð ójöfn. Af þessum jöfnuði hlýtur að leiða, að vilji nokkur efast um, að Ísland sje fullvalda eftir þessu frv., þá verður sá hinn sami að efast um, að Danmörk sje fullvalda. Og vilji nokkur halda því fram, að hjer skorti á fullveldi Íslands og að því sje ætlað að verða ófullvalda, þá knýr hugsananauðsyn hann til þess að segja hið sama um Danmörk. En þá er að gæta þess, hvort

hugsandi væri, að frumvarp þetta færi fram á að gera bæði ríkin ófullvalda, að það svifti þau bæði að einhverju leyti hæfileikanum til að skuldbinda sig með athöfnum eða athafnaleyfi. Þar er þess fyrst að gæta, að samkvæmt frumvarpinu er engin stofnun til, ekkert yfirríki, engin sambandsstjórn, ekkert sambandsþing, er geti farið með þau fullveldismál, er menn vildu telja, að hvort ríkið um sig væri svift. En samband tveggja ófullvalda ríkja án nokkurrar slíkrar stofnunar er óhugsandi óskapnaður, sem hefir aldrei verið til og getur ekki verið til frekar en hnöttóttur teningur.

Vjer þykjumst nú hafa sannað svo, að eigi verði móti mælt, að í frumvarpi þessu sje um fulla viðurkenning að ræða á óskoruðu fullveldi Íslands.

b) Þá er á hitt að lita, hvort hjer sje um hreint konungssamband að ræða. Sumir þjóðrjettarfræðingar halda því fram, að konungssambandið eitt sje svo vaxið, að hvort eða hvert sambandsríki sje fullvalda, en ekki sjálft sambandið (Franz von Liszt, Das Völkerrecht, Berlin 1911, bls. 52, § 6 II, 1), en í málefnasambandi sje sambandið sjálft fullvalda, en ekki sambandsríkin (§ 6 II, 4, bls. 53). Eftir því er þegar sannað, að hjer sje konungssamband ráðgert, af því að áður var sýnt að bæði ríkin væru fullvalda. En sakir þess, að aðrir þjóðrjettarfræðingar lita svo á, að hin einstöku ríki í málefnasambandi sjeu fullvalda (N. Gjelsvik, Lærebok i folkerett, Oslo 1915, bls. 133, § 6), þá er rjett að lita á málið frá fleiri hliðum.

Sumir telja einkenni konungssambands vera það, að ekkert sje sameiginlegt, nema konungurinn, en leggja enga áherslu á hitt, hvernig konungsfjelagið er eða hefir orðið til. Eftir þeirri skoðun nægir oss því til sönnunar, að þetta fyrirhugaða samband sje konungssamband, að sýna fram á, að hjer sje ekkert sameiginlegt, nema konungurinn. Þetta liggur nú þegar í því, að hvorugt ríkið er yfirríki og að engin sambandsstjórn er til. Því að væri nokkuð sameiginlegt annað en konungur, þá væri það umsjónarlaust og engin stjórnarvöld gætu sint því. En auk þess er þetta auðsælt af ákvæðum frumvarpsins. Hið eina, sem í fljótu bragði gæti virst vera sameiginlegt, eru utanríkismálin. En það er þó ekki. Í fyrsta lagi gerir 7. gr. ljóslega ráð fyrir íslenskum utanríkismálum, og þótt annar þjóni oss eftir umboði, þá er eða verður það eigi nein ástæða til að telja utanríkismálin sameiginleg. En auk þess liggur alt undir samþykki vort, sem gert er í þeim málum, og enn má geta þess, að vjer getum sent svo marga fulltrúa út, sem vjer viljum, og gætum því tekið alla meðferð utanríkismálanna sjálfir, þótt vjer tækjum eigi umboðið af Dönum. Nægir þetta því til sönnunar, að utanríkismálin sjeu eigi sameiginleg. Vert er að geta þess, að það er alsíða, að eitt ríki fái mál sin í hendur sendimanni annars ríkis, þar sem lítið er um að vera. Svo gera Norðurlöndin og hafa gert á nokkrum stöðum. Holland fór með utanríkismál Luxemburgar eftir samningi og allar ófriðarþjóðirnar hafa nú gert það síðustu árin. Þó er eigi fyrir þá sök talið að umboðsgjafi og umboðshafi eigi nokkur sameiginleg mál.

Þar sem nú ekkert er sameiginlegt nema konungurinn, þá er hjer hreint konungssamband eftir skoðun þeirri, er nefnd var hjer að ofan. En aðrir fræðimenn skilgreina hjer öðruvísi og segja, að þá sje hreint konungssamband, ef konungsfjelagið er orðið af hendingu, en málefnasamband, ef það er til orðið eftir samningi. Svo lita þeir báðir á Gjelsvik og Franz von Liszt.

Verður því að líta á, hvort frv. þetta feli í sjer hreint konungssamband í þessum skilningi. Gjelsvik og Lundborg hafa mismunandi skoðun á því, hvernig konungsfjelag Íslands og Danmerkur sje til orðið. Gjelsvik lítur svo á, að það byggist á þeirri tilviljun, að samningamönnum í Kiel 1814 var ekki ljóst, hvern rjett Ísland átti, og að tvær óviðkomandi þjóðir drógu það því inn í samning sin á milli, en Íslendingar ljetu þessari ráðstöfun, sem þeim var eigi birt, ómótmælt og ljetu standa sem tilboð til konungs Dana um að ganga inn í gamla sáttmála þeirra við Noregskonung. Það er því ljóst, að eftir skoðun Gjelsviks er konungsfjelag Íslendinga við Dani orðið af hendingu. Lundborg telur það byggjast á gamla sáttmála, ekkert vera sameiginlegt nema konunginn. En þar sem það sje ekki staðfest með sáttmála eða lögum, kemst hann að sömu niðurstöðu um eðli þess sem Gjelsvik. Og Franz von Liszt hefir lýst yfir því í brjefi til Lundborgs, að hann fallist á þessa skoðun, og í útgáfunni 1915 af Das Völkerrecht, bls. 55, fellst hann og opinberlega á hana. (Sjá um þessi atriði Anathon Aall und Nikolaus Gjelsvik, Die norwegisch-schwedische Union, ihr Bestehen und ihre Auflösung, Breslau 1912, bls. 21—22, og Ragnar Lundborg, Zwei umstrittene Staatenbildungen, Berlin 1918, bls. 97—98). Meiri hluti nefndanna er, sem allir Íslendingar, þessum höfundum samdóma um, að konungsfjelag vort við Dani sje orðið til af hendingu, en sje eigi umsamið eða viljað. Og er þá að lokum á það að líta, hvort frumvarp þetta geri það *umsamið konungsfjelag*. Þar veltur alt á því, hvort 1. gr. heyrir til »þeim samningi, sem felst í þessum sambandslögum« eða ekki. Ef hún er ekki eitt atriði samningsins, þá er eigi heldur nú samið um konungsfjlagið, og verður það því áfram að byggjast á því sama sem áður. Er hjer þá um hreint konungssamband að ræða, jafnvel í þessum strangasta skilningi. Enginn mun hafa freistingu til þess að halda því fram, að fyrsta greinin sje eitt atriði samningsins, að minsta kosti eigi Danir. Því að þá fjelli konungsfjlagið undir ákvæði 18. greinar og væri uppsegjanlegt eftir 1940. Þá væri konungssambandið hreinna en hreint.

Hjer hefir þá verið sannað svo, að eigi verður í móti mælt, að í frumvarpi þessu felst *full viðurkenning á óskoruðu fullveldi Íslands í hreinu konungssambandi við Danmörk*.

III.

Kunnugt er það, að vjer höfum hingað til deilt við Dani um rjett vörn. Eftir vorum skilningi var þeim alla tíð skylt, og þá eigi síður nú, að viðurkenna allan þann rjett, sem sannað var hjer að ofan að viðurkendur væri í frv. En Danir töldu sjer það eigi skylt, og fyrir því vildu nú samningamenn þeirra eigi gera það, nema Dönun væru veitt ýms friðindi í staðinn. Samningamönnum vorum í sumar þótti eftir atvikum rjett að fara svo langt í þessu sem í frv. stendur, heldur en verða af viðurkenningunni, er hún bauðst án frekari kostnaðar eða áhættu. En nú líta nokkrir menn svo á þetta mál, að viðurkenning fullveldis vors í konungssambandi við Dani sje of dýru verði keypt. Fyrir því telur meiri hluti nefndanna rjett að fara nokkrum orðum um þau atriði og skýra greinar frv. að því leyti, sem það hefir eigi verið gert.

Um 6. gr.

Í 1. málsgr. þessarar gr. segir, að danskir ríkisborgarar njóti að öllu leyti sama rjettar á Íslandi sem íslenskir ríkisborgarar fæddir þar, og gagnkvæmt.

Þetta ákvæði segir fyrst og fremst, að hvort ríki hafi sinn ríkisborgara-rjett, sína ríkisborgara, eins og sagt er í aths. dönsku og íslensku samninga-mannanna við þessa grein, enda leiðir slíkt beinlínis af fullveldi landsins, að það hafi sína þegna (ríkisborgara). Ísland ákveður því sjálfst um veitslu þessa rjettar, hvaða rjettindi og skyldur honum sjeu samfara og hvernig menn missi hann. Enda þótt þegnar annars ríkisins hafi jafnrjetti við þegna hins ríkisins samkv. þessari málsgrein, skiftir það afarmiklu máli, að þegn-rjettur er hvoru ríki sjerstakur, auk þess, sem þegar er sagt, að þegnar eru eitt grundvallar-skilyrði þess, að ríki megi til verða. Skal hjer skýrt nokkuð, hvaða þýðingu sjerstakur þegn-rjettur hefir að öðru leyti.

Út á við, gagnvart öðrum ríkjum, kemur þetta skýrt fram. Ef t. d. annað ríkið áskildi þegnum sínum, eftir að sambandslögin eru í gildi gengin, sjerstök rjettindi, t. d. atvinnurjettindi, tollfrelsi, framfærslurjett í öðru ríki eða legði á þá sjerstakar skyldur öðru ríki til handa, þá væri slíkt óviðkomandi þegnum hins ríkisins. Þess vegna birtist aðgreining þegn-rjettarins ljóst í milli-rikjaskiftum.

Inn á við, í skiftum þegna annars ríkisins við hitt, kemur aðgreiningin einnig glögt fram í framkvæmdinni. Ef Danmörk og Ísland gerðu t. d. gagnkvæman samning um framsal afbrotamanna, sbr. 12. gr., mundi hvort ríki um sig undanskilja þegna sína framsali, eins og venja er að gera í slíkum samningum. Danmörk mundi t. d. eigi undirgangast að framselja danskan þegn, sem hefði framið hjer glæp, nje Ísland íslenskan þegn, er framið hefði glæp í Danmörku. Danskur þegn mundi eigi sæta refsingu í Danmörku fyrir svikræði við Ísland, því að hann yrði ekki dæmdur eftir IX. kap. danskra hegningarlaga um landráð, því að þau ákvæði eiga að eins við ríkið Danmörk, en eigi ríkið Ísland. Slíkt hið sama væri um Íslending, er fremdi svikræði við Danmörk. Þar á móli gæti verknaðurinn heyrnt undir X. kap. hegningarlaganna, ef hann miðaði til að svifta konung konungdómi eða breyta ríkiserfðunum, því að það væri jafnframt brot á sambandslögunum, sem bæði ríkin eru bundin við. Mörg fleiri dæmi mætti nefna, en þetta nægir til þess að sýna aðgreininguna milli þegna ríkjanna.

Skal þá vikið að jafnrjettisákvæðinu sjálfu. Í því felst það, að *Íslendingar hafi jafnrjetti við Dani, ef þeir fullnægja þeim skilyrðum öllum, er dönsk löggjöf setur til nautnar hverra rjettinda, og að þeir verði að hlíta öllum takmörkunum, er dönsk löggjöf setur gagnvart sínum þegnum um nautn hverrar rjettindagreinar.* Öldungis samsvarandi gildir um jafnrjetti Dana við Íslendinga. *Danir verða að fullnægja sömu skilyrðum og sæta sömu takmörkunum sem sett eru eða sett verða um rjettindanautn íslenskra þegna í hverri grein.* Til þess að njóta kjörgengis og kosningarrjettar þarf maður samkv. löggjöf beggja ríkja að vera búsettur í landinu, og getur hvort ríkið um sig sett þau skilyrði, að hver sá þegn þess, er slept hefir heimilisfangi í ríkinu eða hefir aldrei haft það, skuli enn fremur hafa verið þar heimilisfastur óslitið ákveðinn tíma, áður hann megi neyta tjedra rjettinda, t. d. að hver maður verði að hafa átt

fast heimili 5 ár í Danmörku til að njóta þar kosningarrjettar og kjörgengis, hvort sem hann væri danskur þegn eða eigi. Mundi íslenskur þegn verða að sæta því, að hann fengi sama rjett í þessu efni, að uppfyltum sömu skilyrðum sem danskir þegnar. Öldungis samsvarandi gildir um hitt ríkið. Í Danmörku er búseta í landinu skilyrði til ýmiskonar atvinnurekstrar, og er sýnt, að íslenskir þegnar verða að fullnægja þeim skilyrðum. Danir geta t. d. gert búsetu í löggjöf sinni að skilyrði til þess að eignast fasteignir í Danmörku, sbr. grvl. Dana 5. júní 1915, 50. gr. 2. mgr., og yrðu íslenskir þegnar jafnt og danskir annarsstaðar búsettir að sæta því. Að því leyti, sem samsvarandi ákvæði eru í löggjöf vorri, sbr. t. d. fossalöggjöfina, eða verða sett, verða danskir þegnar einnig að fullnægja þeim. Ef sett verður í íslenska löggjöf það ákvæði, að fóst búseta sje skilyrði til þess að mega versla hjer, yrðu danskir þegnar að sæta því. Til þess að verða t. d. dómari í Danmörku þarf lagapróf frá Kaupmannahafnarháskóla. Íslenskur þegn getur þá því að eins orðið þar dómari, að hann hafi slikt próf. Dómari hjer verður meðal annars að kunna íslenska tungu og hafa lagapróf frá háskóla vorum. Þessum skilyrðum yrðu danskir þegnar einnig að fullnægja til þess að verða hjer dómara. Að eins gildir það eftir 6. gr. 3. mgr. um *fiskiveiðarjett* í landhelgi ríkjanna, þar á meðal landhelgi við Grænland, þegar hún verður heimil dönskum þegnum — og þar með íslenskum — til fiskiveiða, að þar má hvorugt gera búsetu að skilyrði. Þar á móti getur hvort ríkið sett reglur bæði þegnum sínum og öllum um veiðiaðferðir, sbr. fiskiveiðasamþyktirnar, botnvörpuveiðalöggjöfina, um meðferð aflans í landi o. s. frv.

Sem dæmi takmarkana um rjettindanautn, er þegnar ríkisins verða að sæta, má nefna hið skilyrðislausu bann við botnvörpuveiðum í íslenskri landhelgi. Sömu takmörkun verða og danskir þegnar að hlíta, því að þeir hafa eigi meiri rjett en íslenskir þegnar, heldur jafnan, sbr. 6. gr. 3. málsg.: »að jöfnu«, í danska textanum: »i lige Grad«.

Ákvæði 6. gr. 4. málsg. um jafnrjetti skipanna felur það í sjer, að dönsk skip á Íslandi og íslensk skip í Danmörku greiði t. d. jöfn hafnargjöld, vitagjald o. s. frv. Samskonar fyrirmæli er eigi einsdæmi í ríkjasamningum.

6. gr. 5. málsg. hefir samskonar fyrirmæli að geyma sem margir aðrir ríkjasamningar. Af þessari málsg. leiðir það, að ef vjer t. d. hjetum einhverju öðru ríki en Danmörku tollfrelsi á einhverri vöru þaðan, fluttri hingað, ætti danska ríkið rjett á því, að sama vara þaðan, flutt hingað, yrði einnig tollfrjáls. Samsvarandi gildir um íslenska vöru, flutta til Danmerkur. Þessi málsgrein hefir, í almennum orðum sagt, að geyma það ákvæði, að hvort ríkið ívilni hinu um vörur, afurðir og afrek svo, að rjettur þess verði að þessu leyti eigi lakari en nokkurs annars ríkis.

Þeir menn, sem telja viðurkenning fullveldis vors of dýru verði keypta, einkum sakir 6. gr., sem nú hefir verið skýrð, munu telja hana svo skaðvænlega í atvinnu- og fjárhagsmálum vorum, að hún ónýti fullveldið. Því er rjett að líta á, hvort sú skaðsemi hefði orðið minni, ef eigi hefði verið gengið að þessum samningi. Tvent var til, ef eigi hefði orðið úr samningum: Annaðhvort hefði leitt af því skilnað milli landanna, eða alt hefði setið við sama. Hugsum oss, að vjer hefðum lýst yfir skilnaði við Danmörk og fengið viðurkenning annara ríkja. Þá hefðu þessar rjettindaveitslur reynst óþarfur tilkostnaður

frá vorri hlið, ef þeir, sem þá viðurkendu oss, hefðu eigi sett oss skilyrði, sem eigi væru hagfeldari. En hefði nú alt verið látið sitja við hið sama sem nú er, þá verður að telja þessa ráðstöfun hyggilega. Því að þá hefðu Danir haft öll þessi rjettindi um óákveðinn tíma, en vjer ekkert í staðinn. Og stafi oss stórhætta af þessum ákvæðum, þótt vjer sjeum fullvalda ríki og getum sett þau lög oss til varnar, sem oss eru fullnægjandi, og það leyfir samningurinn, þá mundi hún þó verða margföld án fullveldisins. Því að þá mundum vjer hafa fengið synjanir, í stað þess, að nú, þ. e. eftir frv., erum vjer fullvaldir um lög-gjöfina. Fyrir því geta engir lastað þessa ráðstöfun, nema þeir menn einir, sem staðráðnir voru að skilja heldur við Dani en að veita þeim nokkrar ívilnanir. En auk þess hvílir á þeim sönnunarskylda þess, að skilnaður hefði gengið fram og viðurkenningin minna verði keypt.

Um 7. gr.

Þar nægir að vísa til þess, sem sagt er um hana í II. og IV. kafla.

Um 8. gr.

Um hana er vísað til IV. kafla og til athugasemdar samninganefndanna um þá grein og athugasemdar vorrar við 11. gr.

Um 9. og 10. gr.

Þar um er vísað til IV. kafla.

Um 11. gr.

Nefndin telur þessa grein góða, þar sem hún sýnir, að íslenska ríkið ættlast ekki til, að sambandsríkið annist málefni þess endurgjaldslost. Þessi grein tekur þó eigi til kostnaðar við landshelgisgæslu, því að hann er talinn fullgoldinn með rjettindaveitslum 3. málsgr. 6. greinar.

Um 12. gr.

Vísað til II. og IV. kafla.

Um 13. og 14. gr.

Auk þess, sem um ákvæði þessara gr. segir í IV. kafla, skulu eftirfarandi athugasemdir gerðar við þessar greinar.

Árgreiðsla Danmerkur til Íslands er nú 60 þúsund krónur. Vextir af þeirri miljón króna, sem hverfur undir forræði Íslands samkvæmt 14. gr., er með vöxtum þeim, er bankavaxtabrjef veita, og þegar munur á nafnverði og gangverði þessara brjefa er tekinn til greina, um 47 þús. króna. Mis-munur árgreiðslunnar nú og vaxta þessara verður þá 13 þús. kr. Að visu falla burt forrjettindi íslenskra námsmanna í Khöfn. En í fyrsta lagi er það vafa bundið, hvort þau forrjettindi hafa orðið Íslandi að miklu gagni, einkum síðan háskóli vor var stofnaður, og í öðru lagi eiga íslenskir námsmenn samkvæmt 6. gr. 1. málsgr. kost á að fá námsstyrk í Khöfn eftir sömu reglum sem danskir stúdentar og einnig rjett til námsstyrks hvar sem vera skal af þeim miljónar-sjóði, er undir forræði Dana hverfur samkvæmt 14. gr. Vjer verðum að telja það heppilegt, að fje þetta er lagt í sjóð, en eigi haft að

eyðslueyri, eins og verða myndi, ef það hefði verið greitt í rikissjóð vörn, og mundi þess þá hafa litils gætt. Vjer mundum auðvitað hafa kosið, að alt þetta fje hefði til vor horfið og sætt forræði voru, einkum þar sem skoðun Íslendinga hefir verið, að það væri greiðsla á lögsmætri skuld til vor, en fjáratríði þetta teljum vjer svo algert aukaatriði, að eigi hefði komið til mála að láta samninga stranda á því.

Raddir hafa heyrst um það, að Danir gætu notað sjóð sinn beinlinis oss til óhags. Þar til liggur það svar, að vjer getum á engan hátt spornað við því, að Danir fari svo með sitt fje sem þeim líkar, eins og þeir mega engu um það ráða, hvernig vjer förum með vort. Þess getum vjer þó krafist hjer, að stofnskrá Dana um sjóðinn verði í samræmi við ákvæði 14. gr. frv. En ef Danir hefðu varið slíkri fjárbæð án samninga við oss, sem þeir hefðu mátt gera, ef eigi hefði af samningum orðið, þá hefðum vjer eigi mátt hafa þar hönd í bagga.

Um 15. gr.

Er vísað til II. og IV. kafla.

Um 16. gr.

Þótt nefndirnar telji slíka nefnd sem þá, er hjer getur, eigi nauðsynlega, þá geta þær eigi talið hana geta orðið til neins tjóns, og má verða, að hún geri oss gagn með því að athuga af vorri hálfu og benda á, ef sambandsriki vort kynni að setja í löggjöf sína eða önnur fyrirmæli oss óheppi- leg eða löglaus ákvæði. Og auðvitað er sama að segja frá sjónarmiði Dana. En þeim mönnum, sem hrýs hugur við þeim áhrifum, sem íslensk löggjöf kynni að verða fyrir af nefnd þessari, má benda á það, að helmingur verður skipaður íslenskum mönnum, og ættu þeir eigi fremur að taka við áhrifum en veita þau frá sjer, enda er nefndin að eins *ráðgefandi*, eins og skýrt er tekið fram í gr. Og að eins tekur greinin til stjórnarfrv. þeirra, er þar segir, en eigi til þingmannafrv. Orðalag gr. útilokar þetta fyrst og fremst, og í annan stað væri ómögulegt að nota ákvæði gr. um þingmannafrv., því að stjórnin ræður engu um framlagning þeirra á þingi eða meðferð.

Um 17. gr.

Er vísað til II. og IV. kafla.

Um 18. gr.

Samningsslit samkvæmt þessari grein orka því, að samfelag um konung einn yrði estir. Ríkin hefðu þá felt burt jafnrjettisákvæðin í 6. gr., umboðið samkv. 7. gr. og önnur atriði samningsins, sem haldist kynnu að hafa næstu 25 árin og eigi er ákvæði um til fullnaðar í honum, svo sem skuldaskiftin í 13. gr. og sjóðirnir í 14. gr. Danir telja, að samningsslitin hljóti að valda skilnaði, og samningamenn þeirra óskuðu því, að þau færu eigi fram, nema sýnt væri, að eindreginn þing- og þjóðarvilji stæði á bak við. Íslensku samningamennirnir ljetu til við þá svo langt sem greinin segir, og nefndirnar geta eigi sjeð, að þar af þurfi að stafa nein hættu. Um atkvæðamagn í þinginu er sama krafa gerð sem um samþykkt laga í sameinuðu Alþingi. Og vegna

kröfunnar um það, að 75% greiddra atkvæða verði að vera með samningsslitum, hefir eigi heyrst óánægja. Við hitt, að einnig þurfi 75% kosningabærra manna að taka þátt í atkvæðagreiðslunni, eru sumir eigi óhræddir. En með þessu er þó eigi krafist meira en að $\frac{9}{16}$ eða 56,25% allra atkvæðisbærra manna í landinu greiði atkvæði með samningsslitum. Ótti manna er á því bygður, að eigi muni fást nægur fjöldi kjósenda, því að svo margir muni eigi taka þátt í atkvæðagreiðslu. Með því skipulagi, sem á var 1908 og 1911, er hver maður skyldi koma á einn og sama ákveðinn stað í hreppi hverjum sama dag, var kosningahluttakan þó 75,7% og 78,4% af öllum þeim, er á kjörskrá voru. Fyrir þeim, sem hræddir eru við þessa kröfu um hluttökuna, mun það vaka, að atkvæðagreiðslu þurfi að haga eins og nú er hagað atkvæðagreiðslu við kosningar til Alþingis. Og ef svo væri, væri þá sönnu nær, að svo mikil hluttaka gæti verið erfiðleikum bundin í víðlendum hreppum, eftir að bæði konur og hjú hafa fengið atkvæðisrjett. En það er alger misskilningur, að atkvæðagreiðslan eftir 18. gr. þurfi að fara fram með þeim hætti. Íslenska rikinu er það alveg í sjálfsvald sett, hvernig það hagar henni, því að í 18. gr. er þess að eins krafist, að *þátttakan* í atkvæðagreiðslunni verði svo sem þar segir, en engin skilyrði sett um það, hvernig henni skuli *hagað*. Það má því setja svo marga kjörstaði í hverjum hreppi sem þurfa þykir, til þess að allir geti sótt. Einnig má láta hvern kjósenda greiða atkvæði á heimili sínu eða þar sem hann er staddur, og er slikt sjálfsagt um þá, sem eigi eru heimafærir eða utan hrepps síns eða kaupstaðar, eins og nú er um alþingiskjósendur, samkv. lögum nr. 47, 30. nóv. 1914. Svo má og taka fleiri en einn dag til atkvæðagreiðslu, svo að menn mættu fara til skiftis hver af sínu heimili. Og loks, ef eigi þætti enn nægilega trygt, mætti skylda menn til að greiða atkvæði, að við lögðum háum sektum eða rjettindamissi, svo sem dæmi eru til í Belgíu, á Spáni, í sumum sambandsríkjum í Svisslandi og víðar.

Um 19. gr.

Visast til II. og IV. kafla. Þó verður að láta þess getið, að nefndirnar telja það lífsnauðsyn þjóðarinnar, eftir því sem nú er högum komið í heiminum, að það sje trygt, að styrjaldarþjóðirnar fái sem fyrst, jafnskjótt sem lögin ganga í gildi, tilkynning um það, að Ísland sje fullvalda ríki og lýsi yfir hlutleysi sínu og vilji vera hlutlaust, hvernig sem fari um hlutleysi sambandsríkisins. Af sömu ástæðum liggur í augum uppi, að eigi síðar en öðrum þjóðum er birt hlutleysisyfirlýsing vor verður og að tilkynna þeim, að vjer höfum íslenskan fána á skipum vorum, og lýsa honum fyrir þeim. Í þessu sambandi skora nefndirnar á stjórnina að sjá um, að gefinn verði út konungsúrskurður um íslenskan þjóðfána og siglingafána eigi síðar en lög þessi ganga í gildi.

Um 20. gr.

Rök þau, er greinir í athugasemd við 19. gr., renna til þess, að lagt er til, að lögin gangi svo fljótt í gildi, sbr. og ummæli Gjelsviks háskólakennara, sem getið er í II. kafla bls. 3.

IV.

Í umræðum um málið i neðri deild hefir verið farið út i samanburð á frv. því, sem hjer liggur fyrir, og frv. millirikjanefndarinnar 1908 og frv. Alþingis 1909. Af því að kent hefir af hendi andmælanda frv. i Nd. misskilnings eða hlutdrægni i dómi hans á kostum og löstum frv. þessa og hinna frv., skulum vjer leyfa oss að gera hjer stuttan samanburð. Skulu þá fyrst athuguð frv. frá 1908 (kallað hjer: 1908) og frv. það, sem nú er lagt fyrir þingið (kallað 1918).

A.

Í 1908 er *fullveldi* landsins hvergi nefnt nje viðurkenning þess veitt. Fyrirsögn frv. heitir: »Uppkast að lögum um *rikisrjettarsamband* Danmerkur og Íslands« (á dönsku: »det *statsretlige* Forhold mellem Danmark og Island«). »*Rikisrjettarsamband*« milli tveggja landa táknar það, að annað hlýtur að vera hinu æðra eða þau bæði lúta vilja þriðja aðilja, með öðrum orðum: Að annað land(ið) getur skipað hinu og skuldbundið það án vilja þess. Annað mál er það, að orkað hefir tvímælis, hvort þetta heiti á sambandi því, er til var stofnað með 1908, var rjett, af því að 1908 var til orðið fyrir *samningagerð* tveggja aðilja. En það, að þetta heiti var haft, hlaut að veikja og vekja efa um rjettmæti þeirrar ályktunar, að Ísland hefði orðið fullvalda riki eftir 1908.

Enn fremur orkaði orðalag 1. gr. 1908 mjög tvímælis. Ísland er þar nefnt i danska textanum »et frit og selvstændigt, uafhængeligt Land, forbundet med Danmark ved fælles Konge og ved de fælles Anliggender, som efter gensidig Overenskomst fastsættes i denne Lov, og danner saaledes sammen med Danmark en Statsforbindelse, det samlede danske Rige« — (Á islensku nákvæmlega þýtt: »frjálst og sjálfstætt land, sem eigi verður af hendi látið, i sambandi við Danmörk um sameiginn konung og þau sammál, sem samkvæmt gagnkvæmum samningi eru ákveðin i lögum þessum, og er því i rikis-sambandi við Danmörk, er nefnist Sameinada danska rikið«). Er því gert ráð fyrir *einu* riki, en eigi tveimur, *sameiginleg* mál ákveðin, þar sem annað rikið, Danmörk, bindur hitt með athöfnum sinum eða athafnaleysi. Alt orðalag 1. gr. 1908 orkaði hjer á landi svo mjög tvímælis, að þetta átti eigi sist þátt i falli þess. Orðið »riki« (»Stat«) finst eigi um Ísland i texta 1908.

Í 1918 segir i 1. gr., jafnskýrt i báðum textum, að bæði Danmörk og Ísland sjeu »*frjáls og fullvalda riki*« (*frie og suveræne Stater*«). Samkvæmt 1918 verða *rikin tvö*, bæði jafnrjetthá og fullvalda. Sambandið er ómótmælanlega *þjóðrjettarsamband*, en eigi rikisrjettarsamband. Sjá að öðru leyti II. kafla álits þessa.

Í 1. gr. 1918 segir enn fremur, að rikin sjeu sameinuð »um einn og sama konung og um samning þann, er felst i þessum sambandslögum«. Hjer segir eigi, að nokkur málefni skuli vera *sameiginleg* samkvæmt samningi, að öðru leyti en því sem sameiginlegir hagsmunir (sbr. 12. og 16. gr.) eða vilji beggja, er breyta má einhliða hve nær sem vill (sbr. 8.—10. gr.) eða eftir 25 ár samkvæmt 18. gr., segir til, og er þetta eigi frábrugðið samningum, er riki gera sin á milli. Og eins og áður segir i II. kafla, eru engin mál sameiginleg, því

að umboð til meðferðar ákveðinna mála (sbr. 7. gr.) gera þau mál eigi heldur *sameiginleg* í þeirri merkingu, sem það orð hefir í lagamáli voru.

Í 1918 er Ísland nefnt ríki (Stat) eigi síður en Danmörk, sjá 1., 2., 3., 5., 6. 3. mgr., 9., 12., 16., 2. og 3. mgr., og 19. gr. Aftur er orðið »land« (Land) haft um bæði ríkin í 4., 6. gr. 5. mgr., 11., 15., 16., 4. mgr., og 17. gr. Enn fremur er orðið »land« haft um önnur (fullvalda) ríki í 4., 6. 5. mgr. og 7. gr. 4. mgr.

B.

Samanburður á *einstökum fyrirætlum* 1908 og 1918 sýnir það, er hjer greinir:

I.

Það er eigi tekið fram í 1908, að *að eins* nügildandi skipun í Danmörku um konungserfðir, rjett konungs til að vera þjóðhöfðingi í öðru landi, um trúarbrögð konungs, lögræði hans, um meðferð konungsvalds þegar konungur er ólöggráður, sjúkur eða fjarverandi, gildi á Íslandi.

Í 1918 er skýrt sagt í 2. gr., að núverandi ríkiserfðalögum verði eigi breytt, nema með samþykki beggja ríkja. Í 1918 3. gr. segir, að *að eins* nügildandi skipun Danmerkur um trúarbrögð konungs o. s. frv. skuli gilda á Íslandi. Af því leiðir, að þessum reglum verður eigi breytt, nema Ísland samþykki, svo lengi sem samband ríkjanna um konung stendur. Í 1918 4. gr. segir berum orðum, að konungur megi eigi vera þjóðhöfðingi í öðrum löndum, nema *bæði* Ríkisþing og Alþingi samþykki. En eftir 1908 2. gr. var nóg, ef Ríkisþing samþykkti það, því að lögleiða skyldi 4. gr. grvl. Dana, en þar er samþykki Ríkisþingsins eins ákveðið nægilegt til þess að konungur gerist þjóðhöfðingi í öðrum löndum, svo að ekki hefði þurft að spyrja Ísland um það.

Sameiginlegt, óuppsegjanlegt mál áttu eftir 1908 greiðslur af almannafje til konungs og konungættar að vera, eftir 3. gr. 1. lið, og í 7. gr. var svo fyrir mælt, að þessar greiðslur skyldu ákveðnar um 10 ár í senn með konungsúrskurði, er forsætisráðherra Dana og ráðherra Íslands meðundirritaði, og upphæðirnar ákveðnar eftir tekjum Danmerkur og Íslands.

Eftir 1918 ræður hvort ríki þessu án ihlutunar hins, 5. gr.

II.

1. *Hermál* skyldu eftir 1908 vera óuppsegjanlega sameiginleg og sæta meðferð Dana, 3. gr. 3. tl. og 6. gr., sbr. 9. gr., og Ísland því í ófriði, ef Danmörk lenti í stríði. Eftir 1918 skifta hermál Danmerkur Ísland engu máli, sbr. 19. gr. og aths. nefndanna um hana. Íslendingar búsettir í Danmörku eru, þrátt fyrir jafnrjettisákvæði 6. gr. 1. mgr., eigi herskyldir í Danmörku, 6. gr. 2. mgr.

2. *Utanríkismál* skyldu einnig eftir 1908 vera sameiginleg óuppsegjanlega, 3. gr. 2. tölul., sbr. 9. gr. Danir áttu einir að fara með þau »eftir umboði« eða »fyrir hönd Íslands« (»paa Islands Vegne«), en engin þátttaka var Íslandi heimiluð í meðferð þessara eða annara sameiginlegra mála, nema Ríkisþing Danmerkur samþykkti það með lögum, enda skyldi Ísland eigi taka þátt í kostnaði af þeim, nema konungsmötu og greiðslum til konungættar, 6. gr.

Eftir 1918 eru utanríkismál Íslands og Danmerkur eigi sameiginleg. Danir eru þar einungis umboðsmenn vorir *næstu 25 ár*, og lengur, ef vjer breytum því eigi með samningi eða uppsögn samkvæmt almennum þjóðrjett-
arreglum eða ákvæðum 18. gr.

Meðferð Dana á utanríkismálum Íslands 1908 var þeim einum tak-
mörkunum bundin, að samninga, sem sjerstaklega varða Ísland, gátu þeir eigi
gert, nema Ísland tæki þátt í því («Medvirkning»), 3. gr. 2. tl.

Eftir 1918 er umboðið svo takmarkað, að yfir höfuð enginn milli-
ríkjasamningur, sem Danmörk gerir eftir staðfestingu sambandslaganna, gildir
á Íslandi, nema íslensk stjórnarvöld *samþykki* («Samtykke»). Og samningar,
gerðir fyrir þann tíma, gilda á Íslandi því að eins, að þeir hafi birtir verið.
Ísland er því við enga leynisamninga bundið. Engin slík takmörkun var í 1908.
Sjá 1918, 7. gr. 4. mgr.

Í 1908 var eigi sjeð fyrir því, að menn með sjerþekkingu á íslenskum
högum verði í stjórn eða starfi utanríkismála. Öll slík þátttaka af Íslands
hálfu var, samkvæmt 6. gr., háð því skilyrði, að Ríkisþing Dana samþykkti lög
um þau efni.

Í 1918 er svo fyrir mælt, að vjer getum sett trúnaðarmann vorn í ut-
anríkisráðuneytið til þess að gegna þar málum vorum, að vjer getum krafist
þess, að sendir verði á vorn kostnað (m. ö. o. íslenskir sendimenn) sendi-
herrar eða ræðismenn á þá staði, þar sem Danmörk hefir eigi sendiherra eða
sendiræðismenn, að vjer eigum einnig heimting á því, að trúnaðarmaður vor
sje á vorn kostnað settur í hverri sendisveit og ræðismannsembætti, og að
vjer getum sent, í samráði við utanríkisráðherra, fulltrúa vora til annara ríkja
til þess að semja um sjerstök íslensk málefni, sjá 7. gr. 2. og 3. málsg.

Um utanríkismál Danmerkur og Íslands *hvors gagnvart hinu* var eitt
ákvæði í 1908 4. gr., er svarar til 1918 12. gr., þó svo, að í 12. gr. kemur í
rauninni óbeinlínis fram, að Ísland sje fullvalda ríki, en slíkt verður síður
ályktað af 1908 4. gr. Í 1918 12. gr. er talað um samningagerðir milli Íslands
og Danmerkur um málefni, sem traudla mundi samið um milli eins fullvalda
og annars ófullvalda ríkis, svo sem *dómgæslu* («Retspleje»), eins og um að-
fararhæfi dóma annars ríkis í hinu, framsal afbrotamanna o. s. frv. Sbr. aths.
dönsku og íslensku samningamannanna við 12. gr.

Ekki var neitt fyrirmæli 1908 um hagsmunagæslu hvors landsins í
hinu. Í 1918 15. gr. segir svo, að hvort land ráði þessu fyrir sitt leyli. Getur
Ísland því haft sendiherra, ráðherra eða ræðismann eða umboðsmann með
hvaða nafni sem vill í Danmörku. Og Danmörk slíkt hið sama á Íslandi.

3. *Þegnrjettur* var sameiginlegur eftir 1908, þó svo, að hvort land gat
veitt hann, svo að skuldbindi hitt. Þessu ákvæði mátti segja upp að 37 árum
liðnum, sjá 1908 3. gr. 5. tl., sbr. 9. gr.

Eftir 1918 er þegnrjettur þegar sjerstakur í hvoru ríki. Sjá 1918 6. gr.
1. mgr. og aths. d. og ísl. nefndarmanuanna.

4. Peningasláttan var eftir 1908 sameiginleg, en uppsegjanleg eftir 37
ár, sjá 3. gr. 6. tl., sbr. 9. gr.

Eftir 1918 getur Ísland, þegar það vill, tekið peningasláttuna í sínar
hendur, sjá 1918 9. gr.

5. *Hæstarjett* gat Ísland til síu tekið eftir 1908, ef það gerði breyting á dómaskipun (»Retsvæsen«) landsins. Þetta ákvæði orkaði tvímælis að nokkru leyti, enda tæplega nægilega skýrt, sjá 1908, 3. gr. 7. tl. Eftir 1918 10. gr. tekur Ísland æðsta dómvaldið í landið skilmálalaust, þegar það vill. Eftir 1908 mátti setja *danskan* mann dómara í hæstarjett Danmerkur til þess að gæta sjerstaklega íslenskra dómsmála, ef kalla mátti hann hafa sjerþekkingu í íslenskum lögum og kunnan íslenskum hógum. Eftir 1918 *verður* slikur maður að vera *Íslendingur*.

6. *Kaupfáninn* út á við skyldi eftir 1908 vera sameiginlegur, en segja mátti því ákvæði upp eftir 37 ár. Sjá 1908, 3. gr. 8. tl., sbr. 9. gr. Eftir 1918 tekur samningurinn ekki til þessa máls, og tekur Ísland því sinn kaupfána þegar er sambandslögin öðlast gildi.

7. Gæsla landhelgi Íslands skyldi eftir 1908 vera í höndum Danmerkur, þó svo að Íslandi var áskilinn rjettur til að auka hana *eftir samningi við Danmörk*, 1908, 3. gr. 4. tl. Segja mátti þessu ákvæði upp eftir 37 ár, 9. gr. Samkv. 1918 8. gr. tekur Ísland gæslu landhelgi sinnar þegar það vill.

8. *Jafnrjettisákvæði*. Eftir 5. gr. 1908 1. mgr. skyldu Danir á Íslandi og Íslendingar í Danmörku njóta sama rjettar að öllu leyti. Þetta ákvæði var alls eigi uppsegjanlegt samkvæmt 9. gr. 1908. Segir og í nefndaráliti millirikjanefndarinnar 1908, við 5. gr., að upp úr þessu ákvæði sje svo mikið lagt af hálfu nefndarinnar, að óskað sje að gera það að föstu og óbreytilegu atriði í sambandi landanna.

Í 1918 6. gr. 1. málgr. er, þótt þegnriettur sje þegar sjerstakur, ákvæði sama efnis og því sömu verkunar, en sá er munur, að því má segja upp eftir 25 ár samkvæmt 18. gr.

Eftir 1908 voru Íslendingar, búfastir í Danmörku, eigi undanþegnir *herskyldu*, og því eftir bæði þágildandi og núgildandi dönskum herskyldulögum undirorpnir þeirri skyldu. En eftir 1918 6. gr. 2. mgr. eru Íslendingar skýlaust herskyldu undanþegnir, þótt búsettir sjeu í Danmörku.

Eftir 1908 5. gr. 2. mgr. skyldu forrjettindi íslenskra námsmanna við Kaupm.hafnarháskóla haldast. En samkv. 1918 13. gr. 2. mgr. falla þau burt, en sjóður stofnaður að nokkru af þeirri innstæðu, er vextir hennar hafa gengið til námsstyrks íslenskra stúdentanna við Kaupmannahafnarháskóla.

Eftir 1908 5. gr. 3. málgr. skyldu Danir og Íslendingar vera jafnsettir um rjett til fiskiveiða í landhelgi Íslands og Danmerkur, meðan Danir hefðu á hendi fiskiveiðagæslu í íslenskri landhelgi, eða hið skemsta 37 ár.

Samsvarandi ákvæði er í 1918 6. gr. 3. málgr., með þeim mun, að ákvæðinu má segja upp eftir 25 ár.

Í 1918 6. gr. 4. og 5. málgr. eru ákvæði um jafnrjetti skipa og um það, að vörur, afrek og uppgötvanir annars landsins skuli eigi sæta óhagstæðari meðferð í hinu landinu en vörur nokkurs annars lands, m. ö. o.: Ívilnunarákvæði, sem eigi eru ótið í millirikjasamningum.

9. *Fjárreiður*. Eftir 1908 7. gr. 2. mgr. skyldi Danmörk greiða Íslandi eitt skifti fyrir öll 1½ miljón kr. Eftir 1918 14. gr. geldur Danmörk 2 milj., og skal stofna af þeirri fjárhæð 2 sjóði til styrkingar andlegu sambandi milli landanna og til íslenskra vísindaiðkana, svo og námsstyrks handa íslenskum

námsmönnum, Helmingurinn 1 miljón, hverfur undir íslensk yfirráð, en hinn undir dönsk.

Að sjálfsögðu kostar Ísland fyrirvar fyrir sig í Khöfn, og greiðsla Danmerkur til skrifstofu Íslands þar fellur úr sögunni, 1918 13. gr. 1. mgr.

10. Um eftirlit hvors lands með löggjöf hins til framkvæmdar samningnum og annara mála, er báða aðilja skifta, eru engin ákvæði í 1908. Hvort uppburður Íslandsmála fyrir konungi í rikisráði Danmerkur skyldi haldast eftir 1908, eða eigi, hefir sumum þótt óvist, en aðrir fullyrða, að hann hefði haldist, sbr. þó aths. við 6. gr. 1908. Eftir 1918 16. gr. er stofnað til *ráðgjafarnefndar*, er geri athugasemdir um lagafrumvörp, er varða framkvæmd sambandslaganna beinlínis eða mál, er fara skal með með hliðsjón af ákvæðum þeirra.

11. Oddamaður í gerðardómi um ágreining út af því, hvort mál væri *sameiginlegt eða eigi*, skyldi *dómstjóri hæstarjettar Danmerkur* vera eftir 1908 8. gr. Eftir 1918 17. gr. skal oddamaður í gerðardómi út af ágreiningi um *skilning á sambandslögunum* vera *kjörinn af norsku og sænsku stjórninni til skiftis*.

12. Eftir 1908 voru þessi mál því *óuppsegjanlega sameiginleg*, auk konungssambandsins og ákvæða 2. gr.:

- a. Konungsmata og borðfje konungsættar.
- b. Utanrikismál.
- c. Hermál og
- d. Jafnrjetti þegnanna, Íslendinga í Danmörku og gagnkvæmt.

Eftir 1918:

- a. Konungsmötu og borðfje konungsættar ákveður hvort ríkið um sig, og er slik ákvörðun hinu óviðkomandi.
- b. Hermál Danmerkur eru Íslandi með öllu óviðkomandi.
- c. Umboð vort samkv. 7. gr. til Danmerkur til meðferðar utanrikismála vorra er afturtækt að 25 árum liðnum.
- d. Jafnrjettisákvæði 6. gr. er uppsegjanlegt að 25 árum liðnum.

Hæstarjett er væntanlega líkt um eftir 1908 og 1918. Sjá þó að ofan.

Eftir 37 ár gat Ísland tekið til sín eftir 1908:

- a. Peningasláttu.
- b. Þegnrjett.
- c. Kaupfána.
- d. Landhelgisgæslu.

Eftir 1918:

- a. Þegnrjettur þegar aðskilinn.
- b. Fáni einnig.
- c. Peningasláttu og
- d. Landhelgisgæslu tekur Ísland í sínar hendur, er það vill.

Ákvæði 1908 9. gr. um samfjelagsslit málanna a—b og ákvæði 1918 18. gr. um slit samnings þess, er í lagafrv. því felst, sem hjer liggur fyrir, eru mismunandi, að því leyti, að samþykki Alþingis eða Ríkisþings er nóg eftir 1908, en hjer þarf $\frac{2}{3}$ Alþingis og atkvæðagreiðslu kjósanda, þannig að samningnum verður eigi slitið, nema $\frac{9}{16}$ eða 56,25% þeirra, sem á kjörskrá verða, greiði atkvæði með því. Sjá III. kafla, aths. við 18. gr.

Eftir 37 ár hefði sambandið milli Íslands og Danmerkur eftir 1908, og ef uppsagnarákvæðum 9. gr. hefði verið beitt, verið þannig:

- a. Konungur og konungsætt hin sama.
- b. Önnur mál óuppsegjanlega sameiginleg og undir forræði Danmerkur samkvæmt 1908, 6., sbr. 7. gr.:
 1. Utanríkismál og
 2. Hermál.
 3. Konungsmata og borðfje konungsættar ákveðin af báðum löndum samkv. 6. gr.
- c. Jafnrjettisákvæði þegnanna samkv. 5. gr. 1. og 2. málsgr.

Og svo auðvitað, að 4., 6., 7., 1. mgr., og 8. gr. frv. 1908 hefðu haldið gildi sinu.

Eftir frv. 1918 getur sambandið verið þannig eftir 25 ár,

Að konungssambandið eitt standi og að öðru leyti sje ekkert rjettar-samband milli landanna, annað en það, sem er að alþjóðalögum milli fullvalda og síðaðra ríkja. Ísland getur áður en 25 ár eru liðin hafa ráðstafað samkvæmt frv. eftir vild öllum málum sinum, nema umbodinu til meðferðar utanríkismálanna eftir 7. gr. og að því leyti sem það er bundið við jafnrjettisákvæði 6. gr. En umbodið eftir 7. gr. getur það tekið aftur eftir 25 ár og einnig numið brott jafnrjettisákvæðið að sama tíma liðnum.

Frv. 1908 töldu margir mikla framför, ef miðað var við ástand það, sem nú ríkir og samband landanna hefir hvilt á um hríð í verki og framkvæmd, þó að löglaut hafi verið að dómi flestra hjerlandsmanna. Og er þó hverjum manni sýnilegt, að frv. 1918 er annars eðlis, glegggra og fer alla leið til fullveldis landinu til handa, bæði í orði og í verki, eins og fullsannað hefir verið í II. og III. kafla álitis þessa.

Samanburður á frv. 1909 (Alþingistið. 1909 A, þingskjal 693, bls. 1084, hjer kallað 1909) og 1918.

Ákvæði 1. og 2. gr. 1909 um konungssambandið eru að efni til lík og 1918. Í 1. gr. er þó beint sagt, að Ísland og Danmörk skuli vera í sambandi um ýms mál önnur, og er það í samræmi við 3. gr. Í 1909 vantar fyrirmæli svarandi til 2. gr. 1918, um breytingu ríkiserfðalaga, og 4. gr., um rjett konungs til að vera þjóðhöfðingi í öðrum löndum. Eftir 1909 er ekki sjerstaklega áskilið samþykki Íslands til að breyta ríkiserfðalögunum eða til þess að konungur mætti ráða fleiri ríkjum. Hins vegar var áskilið 1909, 2. gr., að Ísland gæti sett sjerákvæði um lögræði konungs. En slíkt hefði varla þótt heppilegt, því að með því móti hefði getað staðið svo á, að ríkisstjóri danskur færi með konungsvald á Íslandi, þótt konungur þess, sem eigi var lögráður eftir þess lögum, færi með konungsvald í Danmörku.

Þegnrjettur og jáni var þegar sjerstakur hvoru ríki eftir 1909 og her-mál Danmerkur eigi nefnd og því Íslandi óviðkomandi. Ekkert ákvæði er þó í 1909, er svarar til 1918 19. gr.

Hin málin, sem kölluð eru »sambandsmál« Íslands og Danmerkur (konungsmata, utanríkismál, hæstirjettur, peningaslátta og fiskiveiðagæsla) voru uppsegjanleg eftir 26 ár, 3. gr., sbr. 5. og 7. gr.

Frv. 1909 fór því skemmra um peningasláttu, fiskiveiðagæslu og kon-

ungsmötu en 1918. Um hæstarjett er líkt um skipun sjerfróðs manns í íslenskum lögum og í 1908.

Fjárreiðunum er skipað á sama hátt sem í 1908, sjá 1909 4. gr., 2. mgr., og 6. gr.

Ákvæði um jafnrjetti Dana á Íslandi og Íslendinga í Danmörku eru sama efnis sem í 1908 5. gr., 1.—3. málsgr., og 1918 6. gr., 1. og 3. málsgr. Sjá III. kafla um 6. gr. Íslendingar í Danmörku áttu því að vera þar herskyldir, eins og eftir 1908, og forrjettindi íslenskra námsmanna í Kaupmannahöfn áttu að haldast.

Ísland átti ekkert að greiða fyrir meðferð sambandsmálanna, enda engin fyrirmæli um það, að Ísland sendi sjálfst menn til samninga til annara ríkja eða að skylt væri að hafa menn með þekkingu á íslenskum högum í utanríkisráðuneytinu eða annarsstaðar þau 26 ár, er Danir færu með utanríkis-mál Íslands. Takmörkun á umboði til samningagerðar fyrir Ísland var lík eftir 1909 og 1918. Engin ákvæði voru um gæslu hagsmuna Íslands í Danmörku. Ekkert var heldur svarandi til 12. eða 16. gr. 1918. Gerðardóms-ákvæði var og alveg slept, svo að eigi er kostur að sjá, hvernig ráða skyldi fram úr ágreiningi um skilning laganna.

Ákvæðum um konungssamband og konungsmötu og borðfje konungsættar varð eigi sagt upp eftir 1909 7. gr. Hinu mátti segja upp, og gat Ríkisþing eða Alþingi hvort um sig gert það, enda þurfti eigi að leita atkvæða kjósenda.

Alþingi, 5. september 1918.

Magnús Pjetursson,
form. Nd. nefndar og samvinnunefndar.

Karl Einarsson,
form. Ed. nefndar.

Bjarni Jónsson frá Vogu,
ritari.

Jóh. Jóhannesson,
ritari Ed.

Matth. Ólafsson.

Magnús Guðmundsson.

Eggert Pálsson.

Jón Jónsson.

Sveinn Ólafsson.

Guðm. Ólafsson.

Einar Arnórsson.

Fylgiskjal I.**Uppkast að lögum¹⁾**

um

ríkisrjettarsamband Danmerkur og Íslands.

(Inngangur laganna, er þau hafa náð samþykki bæði Ríkisþings og Alþingis og staðfesting konungs, orðist svo:

Vjer Friðrik hinn áttundi o. s. frv.

Gerum kunnugt: Ríkisþing Danmerkur og Alþingi Íslendinga hafa fallist á og Vjer með samþykki Voru staðfest estirfarandi lög:)

1. gr.

Ísland er frjálst og sjálfstætt land, er eigi verður af hendi látið. Það er í sambandi við Danmörk um einn og sama konung og þau mál, er báðir aðiljar hafa orðið ásáttir um að telja sameiginleg í lögum þessum. Danmörk og Ísland eru því í ríkjasambandi, er nefnist veldi Danakonungs.

Í heiti konungs komi eftir orðið: »Danmerkur« orðin »og Íslands«.

2. gr.

Skipun sú, er gildir í Danmörku um ríkiserfðir, rjett konungs til að hafa stjórn á hendi í öðrum löndum, trúarbrögð konungs, myndugleika hans og um ríkisstjórn er konungur er ófullveðja, sjúkur eða fjarstaddur, svo og um það, er konungdómurinn er laus og enginn ríkisarfi til, skal einnig gilda að því er til Íslands kemur.

3. gr.

Þessi eru sameiginleg mál Danmerkur og Íslands:

1. Konungsmata, borðfje ættmenna konungs og önnur gjöld til konungsættarinnar.

1) Fyrirsögn og 1. gr. er þannig í danska textanum:

Udkast til Lov

om

det stæstretlige Forhold mellem Danmark og Island.

(Loven indledes, naar den er vedtagen saavel af Rigsdagen som af Althinget og stadfæstet af Kongen, med følgende:

Vi Frederik den Ottende o. s. v.

Gøre villertigt: Danmarks Rigsdag og Islands Althing have vedtaget og Vi ved Vort Samtykke stadfæstet følgende Lov:)

§ 1.

Island er et frit og selvstændigt, uafhængeligt Land, forbundet med Danmark ved fælles Konge og ved de fælles Anliggender, som efter gensidig Overenskomst fastsættes i denne Lov, og danner saaledes sammen med Danmark en Statsforbindelse, det samlede danske Rige.

I Kongens Titel optages efter Ordene: »Konge til Danmark« Ordene: »og Island«.

2. Utanríkismálefni. Enginn þjóðasamningur, er snertir Ísland sjerstaklega, skal þó gilda fyrir Ísland, nema rjett stjórnarvöld íslensk samþykki¹).
3. Hervarnir á sjó og landi ásamt gunnfána, sbr. þó 57. gr. stjórnarskrárinnar frá 5. janúar 1874.
4. Gæsla fiskiveiðarrjettar þegnanna, að óskertum rjetti Íslands til að auka eftirlit með fiskiveiðum við Ísland eftir samkomulagi við Danmörk.
5. Fæðingjarjettur. Löggjafarvald hvors lands um sig getur þó veitt fæðingjarjett með lögum, og nær hann þá til beggja landa.
6. Peningaslátta.
7. Hæstirjettur. Þegar gerð verður breyting á dómaskipun landsins, getur löggjafarvald Íslands þó sett á stofn innanlands æðsta dóm í íslenskum málum. Meðan sú breyting er eigi gerð skal þess gætt, er sæti losnar í hæstarjetti, að skipaður sje þar maður, er hafi sjerþekkingu á íslenskri löggjöf og kunnugur sje íslenskum högum²).
8. Kaupfáninn út á við.

4. gr.

Öðrum málefnum, sem taka bæði til Danmerkur og Íslands, svo sem póstsambandið og ritsímasambandið milli landanna, ráða dönsk og íslensk stjórnarvöld í sameiningu. Sje um löggjafarmál að ræða, þá gera löggjafarvöld beggja landa út um málið.

5. gr.

Danir og Íslendingar á Íslandi og Íslendingar og Danir í Danmörku njóta fulls jafnrjettis.

Þó skulu forrjettindi íslenskra námsmanna til hlunninda við Kaupmannahafnarháskóla óbreytt. Svo skulu og heimilisfastir Íslendingar á Íslandi hjer eftir sem hingað til vera undanþegnir herþjónustu á sjó og landi.

Um fiskiveiðar í landhelgi við Danmörk og Ísland skulu Danir og Íslendingar jafnrjett háir meðan 4. atriði 3. gr. er í gildi.

1) Í danska textanum hljóðar þessi liður svo:

2. De udenrigske Anliggende, dog saaledes at ingen Traktat, der særlig vedrører Island, skal kunne gøres gældende for Island uden vedkommende islandske Myndigheders Medvirkning.

2) Þessi liður hljóðar svo í danska textanum:

7. Højesteret, dog at den islandske Lovgivningsmagt ved Omordning af Retsvæsenet kan oprette en øverste Domstol for islandske Sager i Landet selv. Ved indtrædende Ledighed i Højesteret drages imidlertid Omsorg for Beskikkelse af et Medlem, som er særlig kyndig i islandsk Ret og kendt med islandske Forhold.

6. gr.

Þangað til öðruvísi verður ákveðið með lögum, er Ríkisþing og Alþingi setja og konungur staðfestir, fara dönsk stjórnarvöld einnig fyrir hönd Íslands með mál þau, sem eru sameiginleg samkvæmt 3. gr. Að öðru leyti ræður hvort landið að fullu öllum sínum málum.

7. gr.

Meðan Ísland tekur engan þátt í meðferð hinna sameiginlegu mála, tekur það heldur ekki þátt í kostnaði við þau; þó leggur Ísland fje á konungsborð og til borðfjár konungsættmenna hlutfallslega eftir tekjum Danmerkur og Íslands. Framlög þessi skulu ákveðin fyrirfram um 10 ár í senn með konungsúrskurði, er forsætisráðherra Dana og ráðherra Íslands undirskrifa.

Ríkissjóður Danmerkur greiðir landssjóði Íslands eitt skifti fyrir öll 1500000 kr., og eru þá jafnframt öll skuldaskifti, sem verið hafa að undanfögnu milli Danmerkur og Íslands, fullkomlega á enda kljád.

8. gr.

Nú ris ágreiningur um það, hvort málefni sje sameiginlegt eða eigi, og skulu þá stjórnir beggja landa reyna að jafna hann með sjer. Takist það eigi, skal leggja málið í gerð til fullnaðarúrslita. Gerðardóminn skipa 4 menn, er konungur kveður til, tvo eftir tillögu Ríkisþingsins (sinn úr hvorri þingdeild) og tvo eftir tillögu Alþingis. Gerðarmennirnir velja sjálfir oddamann. Verði gerðarmenn ekki á eitt sáttir um kosningu oddamannsins, er dómsforseti hæstarjettlar sjálfkjörinn oddamaður.

9. gr.

Ríkisþing og Alþingi getur hvort um sig krafist endurskoðunar á lögum þessum þegar liðin eru 25 ár frá því er lögin gengu í gildi. Leiði endurskoðunin ekki til nýs sáttmála innan 3 ára frá því er endurskoðunar var krafist, má heimta endurskoðun af nýju á sama hátt og áður, að 5 árum liðnum frá því nefndur 3 ára frestur er á enda. Nú tekst ekki að koma á samkomulagi meðal löggjafarvalda beggja landa innan 2 ára frá því, er endurskoðunar var krafist í annað sinn, og ákveður konungur þá, með 2 ára fyrirvara, eftir tillögu um það frá Ríkisþingi eða Alþingi, að sambandinu um sameiginleg mál þau, er ræðir um í 4., 5., 6., 7. og 8. tölulið 3. greinar, skuli vera slitið að nokkru eða öllu leyti.

10. gr.

Lög þessi öðlast gildi

Fylgiskjal II.**Frumvarp**

til laga um samband Danmerkur og Íslands.

Eins og það var samþykkt á Alþingi 7. maí 1909.

1. gr.

Ísland er frjálst og fullvalda ríki í sambandi við Danmörk um einn og sama konung og þau mál, er dönsk stjórnarvöld fara með í umboði Íslands samkvæmt sáttmála þessum.

Í heiti konungs komi eftir orðið: »Danmerkur« orðin: »og Íslands«.

2. gr.

Skipun sú, er nú gildir í Danmörku um ríkiserfðir, trúarbrögð konungs, mynduleika hans og um ríkisstjórn er konungur er sjúkur eða fjarstaddur, skal einnig gilda að því er til Íslands kemur. Sje konungur ófullveðja, gilda einnig hin sömu ákvæði og nú í Danmörku, þangað til löggjafarvald Íslands gerir þar um aðra skipan.

3. gr.

Þessi eru sambandsmál Danmerkur og Íslands:

1. Konungsmata, borðfje ættmenna konungs og önnur gjöld til konungsættarinnar.
2. Utanríkismálefni. Enginn þjóðasamningur, er snertir íslensk mál, skal gilda fyrir Ísland, nema rjett stjórnarvöld íslensk eigi þátt í og leggi samþykki til.
3. Gæsla fiskiveiða í landhelgi Íslands, að óskertum rjetti Íslands til að auka hana. Meðan Danir annast strandvarnirnar njóta þeir jafnrjettis við Íslendinga að því er til fiskiveiða í landhelgi Íslands kemur, nema um annað endurgjald semji.
4. Peningaslátta.
5. Hæstirjettur, þangað til löggjafarvald Íslands setur á stofn æðsta dóm í landinu sjálfu. Meðan sú breyting er eigi gerð, skal þess gætt, er sæti losnar í hæstarjetti, að skipaður sje þar maður, er hafi sjerþekkingu á íslenskri löggjöf og kunnugur sje íslenskum högum.

4. gr.

Danir, heimilisfastir á Íslandi, skulu njóta fulls jafnrjettis við Íslendinga, og Íslendingar, heimilisfastir í Danmörku, jafnrjettis við Dani.

Þó skulu forrjettindi íslenskra námsmanna til hlunninda við Kaupmannahafnarháskóla óbreytt, nema rjettum stjórnarvöldum beggja rikjanna semji um aðra skipan á því efni.

5. gr.

Í umboði Íslands fara dönsk stjórnarvöld með mál þau, er talin eru í Alpt. 1918. A. (Sambandslagapíngið.)

3. gr., uns uppsögn fer fram af annari hvorri hálfu, samkvæmt fyrirmælum 7. gr. Að öðru leyti ræður hvort landið að fullu öllum sínum málum.

6. gr.

Meðan Ísland tekur ekki frekari þátt í meðferð sambandsmálanna en um getur í 3. gr., tekur það heldur ekki þátt í kostnaði við þau, nema hvað Ísland leggur fje á konungsborð og til borðfjár konungsmanna hlutfallslega eftir tekjum Danmerkur og Íslands. Framlög þessi skulu ákveðin fyrirfram um 10 ár í senn með konungsráðgjafi, er forsætisráðherra Dana og ráðherra Íslands undirskrifa.

Ríkissjóður Danmerkur greiðir ríkissjóði Íslands eitt skifti fyrir öll 1500000 kr., og eru þá jafnframt öll skuldaskifti, sem verið hafa að undanförnu milli Danmerkur og Íslands, fullkomlega á enda kljád.

7. gr.

Með eins árs fyrirvara getur Ríkisþing Dana og Alþingi hvort um sig sagt upp sáttmála þessum að nokkru leyti eða öllu, þá er 25 ár eru liðin frá því, er hann gekk í gildi. Ákvæði sáttmálans um konungssamband, sem og um borðfje til konungs og konungsmanna, verður þó eigi sagt upp.

8. gr.

Lög þessi öðlast þegar gildi.

Nd.

4. Breytingartillögur

við frumvarp til dansk-íslenskra sambandslaga.

Flutningsmaður: Benedikt Sveinsson.

1. Við 6. gr.

Greinin orðist svo:

Íslenskir ríkisborgarar og danskir ríkisborgarar skulu að engu leyti sæta óhagkvæmari kjörum hverir í annars ríki en ríkisborgurum nokkurs annars lands eru þar veitt.

Slíkt hið sama gildir um afurðir og afrakstur beggja ríkjanna.

Ríkisborgarar hvors lands eru að sjálfsögðu undanskildir herskyldu í hinu.

2. Við 7. gr.

Greinin orðist svo:

Danmörk fer með utanríkismál Íslands í umboði þess, þar til Ísland tekur þau sjálf til meðferðar eða gerir um þau aðra skipan.

Þar til Ísland gerir aðra skipan má íslenska stjórnin skipa trúnaðarmann í utanríkisráðuneyti Dana til þess að starfa að íslenskum málum.

Nú eiga Danir einhversstaðar engan sendiherra eða sendiráðsmanu, og skal þá skipa hann, ef íslenska stjórnin óskar og samkvæmt

hennar tilnefningu, enda greiði Ísland kostnaðinn. Með sömu skilyrðum skal skipa ráðunauta með þekkingu á íslenskum högum við sendisveitir og ræðismannaembætti þau, sem Danir hafa nú. Ef stjórn Íslands kys að senda úr landi sendimenn á sinn kostnað til þess að semja um sjerstök íslensk málefni, má hún framkvæma það og þá jafnframt kunngera utanríkisráðuneyti Dana slíkar ráðstafanir.

Ríkjasamningar, gerðir af hálfu Danmerkur, er Ísland varða, skuldbinda ekki Ísland, nema fengið sje samþykki íslenskra stjórnarvalda.

3. 10. grein falli niður.

Greinatalan breytist samkvæmt því.

4. Við 13. og 14. grein.

Greinir þessar falli niður, en í stað þeirra komi svofeld grein, er verður 12. grein:

Ríkissjóður Danmerkur greiðir landssjóði Íslands eitt skifti fyrir öll $2\frac{1}{2}$ miljón króna.

Fjárhæð sú, að upphæð 60000 kr., sem ríkissjóður Danmerkur hefir undanfarið árlega greitt Íslandi, og kostnaður ríkissjóðs Danmerkur af skrifstofu stjórnarráðs Íslands í Kaupmannahöfn, fellur niður.

Sömuleiðis eru afnumin forrjettindi íslenskra námsmanna til hlunninda við Kaupmannahafnarháskóla.

Greinatalan breytist samkvæmt því.

5. 16. grein falli niður.

Greinatalan breytist samkvæmt því.

6. Við 18. grein (sem verður 15. gr.).

Greinin orðist svo:

Eftir árslok 1940 getur Alþingi og Ríkisþing, hvort fyrir sig, hve nær sem er, krafist, að byrjað verði á samningum um endurskoðun laga þessara.

Nú er nýr samningur eigi gerður innan þriggja ára frá því að krafan kom fram, og getur þá Alþingi eða Ríkisþing, hvort fyrir sig á eigin hönd, samþykkt, að samningur sá, sem felst í lögum þessum, sje úr gildi feldur. Ef annaðhvort löggjafarþingið samþykkir slíka ályktun, skal hún síðan borin undir kjósendur þá, sem atkvæðisrjett hafa við almennar kosningar til löggjafarþings þess landsins, til samþykkis eða synjunar. Nái ályktunin samþykki kjósenda í því ríkinu, skal samningurinn úr gildi fallinn og þar með orðinn fullkominn málefnaskilnaður milli ríkjanna.

Hvort ríkið um sig ákveður, hver skilyrði og reglur það setur um atkvæðagreiðslu þessa í sínu landi.

7. Við 19. grein (sem verður 16. gr.)

Greinin orðist svo:

Ísland felur Danmörku að tilkynna erlendum ríkjum hvorttveggja, að Ísland sje fullvalda ríki og jafnframt, að Ísland lýsi yfir ævarandi hlutleysi sínu og að það hafi engan gunnfána.

8. Við 20. grein (sem verður 17. gr.).

Greinin orðist svo:

Sambandslög þessi ganga í gildi 1. desember 1920.

Ed.

5. Álit

um frumvarp til dansk-islenskra sambandslaga.

Frá minni hluta fullveldisnefnda.

Á fundi fullveldisnefnda Alþingis 3. þ. m. var frumv. til dansk-islenskra sambandslaga borið undir atkvæði óbreytt, og gat jeg eigi ljéð því atkvæði mitt.

Skal því hjer gerð nokkur grein fyrir, hvers vegna jeg get ekki ráðið til, að frumvarpið, þannig lagað, nái samþykki Alþingis, eftir því er tími hefir til unnist.

Vjer Íslendingar höfum haldið því fram, að Ísland væri að rjettum lögum, sakir aðstöðu og þjóðernis, fullvalda ríki, í einberu konungssambandi við Danmörk, og hefir sú skoðun fengið æ fleiri formælendur, bæði meðal erlendra fræðimanna og bestu manna sambandsþjóðar vorrar, Dana.

Slikur fullveldisrjettur landsins, afdráttarlaus og skilyrðislaus, hlýtur því að vera sá grundvöllur, er samningar eru bygðir á.

Að formi til má heita, að frv. fullnægi þessari kröfu, þar sem annars vegar er ætlast til, að vjer eftir aldarfjórðung eigum að vera einráðir þess að hafa eigi annað sameiginlegt með Dönum en konunginn einan, og hins vegar eru öll sammál þjóðanna til þess tíma þeim miðluð af fullveldi voru með friðindum þeim, hlunnindum og ítökum, er þar með fylgja.

En eins og fullvalda ríki getur afsalað öðru ríki fullveldi sinu yfirleitt, eins getur það afsalað því að sumu leyti eða fjötrað svo fullveldi sitt, að það sje í raun og veru eigi fullrátt gerða sinna.

Í frumvarpi því, er hjer um ræðir, eru slikir fjötrar á oss lagðir, því að ákvæði, sem þar eru, binda oss á höndum og fótum og hljóta að verða afarhættuleg sannarlegu fullveldi landsins, þjóðerni voru og efnalegu sjálfstæði, ákvæði, sem oss að öllu er þarf laust að samþykkja.

Fullnægjandi ástæður til að vikja frá beru konungssambandi og gera málefнасáttmála við Dani, þótt um sinn sje, verða að eiga rót í þörf vorri, høgsmunum og aðstöðu allri. Frekar er óverjandi að ganga. Af þessum sökum má til sanns vegar færa, að Danir fari um sinn að nokkru með *utanríkismál* vor, hafi á hendi *myntsláttu* og *æðsta dómsvald*, svo og gæslu landhelginnar.

Eru þetta alt málefni, sem þeir hafa haldið dauðahaldi í og þeim kostnaðarlaust eða kostnaðarlítið með að fara — myntsláttan bein tekjugrein, er fer vaxandi ár frá ári, og því sist þörf upp að bæta — nema landhelgisvörnin. Gegn henni, og meðan hún stendur, er því eigi ósennilegt, að kæmu þau hlunnindi, að Danir fengju einhverja ívilnun um fiskiveiðarjett í landhelgi.

Frekari ívilnanir af vorri hálfu eru því hreinar og beinar gjafir til Dana og þarf laust rjettindaafsal.

Slikar gjafir og rjettindaafsöl er að finna í 6. gr. frv.

Fyrsta málgrein hennar hljóðar svo:

»Danskir ríkisborgarar njóta að öllu leyti sama rjettar á Íslandi sem íslenskir ríkisborgarar fæddir þar, og gagnkvæmt«.

Hjer er því nú að vísu slegið föstu, að til sje íslenskur ríkisborgararjettur.

Og ætlast er til, að íslensk völd veiti ríkisborgararjett útlendingum, öðrum en Dönum. Er þessi rjettur fagur í orði gagnvart öðrum ríkjum og því nokkur bót, miðað við uppkastið 1908.

En hagsmunapýðing hans er hverfandi eða jafnvel meira en hæpin, er þess er gætt, að Danir geta líka veitt ríkisborgararjett með lagagildi hjer á landi.

Hins vegar er dönskum borgurum, Dönum, Færeyingum og Grænlendingum, *án tillits til búsetu*, óskorað veittur sami rjettur til afnytja á öllum gæðum þessa lands, ám og aflindum sem landsins eigin börnum, *án nokkurs fyrirvara eða afdráttar*, og svo ríkt er eftir þessu gengið — aló mótmælt af vorri hálfu — að *oss er skipað að nema úr gildi allar takmarkanir í sjerlöggjöf vorri, sem nú eru þessu til fyrirstöðu*, þar á meðal fyrst og fremst 5 ára heimilisfestu sem skilyrði fyrir kosningarrjetti aflendra manna, samkv. 10. gr. stj.sk.laga 19. júní 1915, og eru þar með sýnd forlög annara takmarkana í sjerlögum vorum.

Með þessu ákvæði eru Danir viðurkendir sambýlismenn vorir og sam-eignarmenn að landinu, er þeir sunnan úr Danmörku mega hagnýta sjer eftir vild og bestu getu um næstu 25 ár.

Nú eru Danir 33 sinnum mannfleiri en vjer og nær 100 sinnum auðugri, og liggur því í augum uppi, að þjóðerni voru, efnalegu og stjórnafrarslegu sjálfstæði getur verið sýnn háski búinn, ef þeir nú hleypa heimdraganum og hafa verulega atburði í frammi til að nýta sjer gæði þau, sem fram eru reidd.

En það þarf eigi að efa, því að landið er nú miklum mun girnilegra í þeirra augum en nokkuru sinni áður; þeim hefir stórum aukist fjármagn síðustu árin, og uppsagnarrjetturinn knýr þá fram, enda þegar hafin hreyfing í þá átt í Danmörku.

Er með þessu skorin stór sneið af umráðarjetti Íslendinga yfir eigin landi og vjer gerðir óráða þess, hverjir byggja þetta land.

En slikur umráðarjettur er og hefir jafnan verið talinn aðalundirstaða og kjarni alls þjóðfrelsis og ómissandi trygging þjóðernisins.

Engin dæmi eru heldur til þess, að neitt ríki hafi berað svo land sitt gagnvart öðru ríki.

Er því hjer lagt inn á nýja hættubraut og teflt í fulla tvisýnu þeim rjetti, sem talinn er fjöregg hverrar þjóðar, þvert ofan í staðreyndir allra annara ríkja.

Stingur þetta einkennilega í stúf við það, að á alríkisráðstefnu Breta nú í sumar lögðu nýlendur þeirra mesta áhersluna á, að hver nýlenda væri aleinráð um ríkisborgararjettinn. —

Í uppkastinu 1908 hljóðar samsvarandi málgrein svo:

»Danir og Íslendingar á Íslandi og Íslendingar og Danir í Danmörku njóta fulls jafnrjettis«.

Hjer er búseta gerð að skilyrði fyrir jafnrjetti þegnanna, og var þó fulllangt gengið.

Í nýja uppkastinu er búsetuskilyrðið þurkað út, og mega því allir sjá, að það er í þessu undirstöðu- og höfuðatriði sýnu verra en gamla uppkastið.

Þar er einnig fiskiveiðarjettur Dana í landhelgi vorri takmarkaður við landhelgisgæslu þeirra, en nú er þeim fyrirvara slept.

Og enn hafa Danir áskilið sjer að freka ekki landhelgisgæsluna úr því, sem verið hefir.

Hlýtur það að auka gjöld landssjóðs að stórum mun, sennilega þegar að ófriði loknum, því að allar likur eru til, að fiskiveiðar útlendinga hjer við land vaxi óðfluga frá því, sem var fyrir ófriðinn, og geri frekari strandgæslu óhjákvæmilega.

Einnig að þessu leyti er því nýja uppkastið verra en hið gamla.

Úr tjóni því, hættu og háska, sem oss er af öllu þessu búíð, dregur það litið eða jafnvel ekki, að vjer höfum sama rjett í Danmörku.

Sakir mannfæðar vorrar og fátæktar má Dönnum á sama standa, jafnvel fult eins líklegt, að þeir nemi nú þegar úr lögum sínum allar takmarkanir, er máli skifta, sem geta verið til afdráttar jafnrjetti voru þar, en slíkt jafnrjetti er þjóð vorri enginn fengur, nema siður sje.

Og frekari skilyrði fyrir rjettindanautn en Danir setja hjá sjer er oss bannað að setja þeim hjer á landi samkvæmt skýlausum fyrirvara þeirra við 6. gr.

En 6. gr. lætur ekki hjer við lenda. 4. málsgr. hennar hljóðar svo:

»Dönsk skip njóta á Íslandi sömu rjettinda sem íslensk skip, og gagnkvæmt«.

Hjer er beint rjettindaafsal til Dana frá því, sem nú er.

Sakir legu landsins, fiskimiða vorra og skipafæðar sækja margfalt fleiri dönsk skip hingað en hjeðan til Danmerkur.

Danir hafa því langsamlega mestan haginn af þessu jafnrjettisákvæði, sem því í raun og veru er frámunalegt misrjetti.

Hjer er því bætt gráu á svart ofan.

Enginn urmull af þessu ákvæði sjest í uppkastinu 1908, og ætti það eitt að geta fært mönnum heim sanninn um, hve ótækt það er.

Af öllu þessu jafnrjetti hins danska ríkis leiðir, að önnur ríki munu sennilega krefjast að fá eigi verri rjett hjer á landi. Eftir því, sem viðskifti vor við útlönd aukast, gæli því jafnrjettið danska orðið oss afarþungbært, sjerstaklega að því er snertir tolla og skipagjöld.

Enn er þess að gæta, að jafnrjetti án búsetuskilyrðis leiðir til danskrar leppmensku, eins og þegar hefir á bólað.

Af þessum sökum tel jeg óverjandi að samþykkja 6. gr., eins og hún er nú orðuð, og legg til, að henni verði breytt til batnaðar.

Í stað 60000 kr. árstíllags þess, er Danir hafa greitt oss, ákvað uppkastið 1908, að þeir skyldu greiða oss 1½ miljón kr. í eitt skifti fyrir öll.

Nýja uppkastið afsalar oss þessari fjárhæð, gegn því, að Danir greiði háskóla Íslands 1 miljón kr. Er þetta auðsær óhagur fyrir oss frá því, sem áður var.

Pennan halla bætir eigi að neinu sú miljón króna, sem veitt er háskóla Dana til að efla andlegt samband milli landanna, því að það er hvorttveggja, að Garðstyrkurinn við Kaupmannahafnarháskóla var þegar orðinn meira virði og að hinn nýi styrkur verður að skoðast fullt eins í þágu Dana og vor.

Að þessu leyti er því nýja uppkastið verra en hið gamla.

Lögjöfnunarnefnd 16. gr. er bein afleiðing samborgararjettarins í 6. gr., eins og hún er nú orðuð, enda beint tekið fram, að nefndin eigi fyrst og fremst að hafa til meðferðar lögjög um sjermál ríkjanna og sjá um, að hagsmunum hvorugs sje hallað.

Tel jeg nefnd þessa, sem töluverður kostnaður hlýtur að verða að, oss næsta óþarfa, og legg því til, að grein þessi falli niður.

Til þess að samningnum verði sagt upp áskilur 18. gr., að $\frac{3}{4}$ atkvæðisbærra manna hafi tekið þátt í atkvæðagreiðslu um sambandsslit og að $\frac{3}{4}$ greiddra atkvæða greiði þeim jáyrði. Þessi uppsagnarskilyrði eru svo rík, að heita má, að samningurinn sje óuppsegjanlegur.

Það nægir sem sje, að $\frac{1}{4}$ kjósenda hafi ekki greitt atkvæði.

Þar sem auðir seðlar teljast ekki greitt atkvæði og mótstöðumenn sambandsslita munu róa að því að aftra mönnum frá að taka þátt í atkvæðagreiðslunni, en jafnrjetti þegnanna samkvæmt 6. gr. eykur þann flokk talvert með hverju árinu, eftir því sem Danir verða áhenda friðinda landsins og þeim fjölgar hjer á landi, má hverjum manni vera ljóst, að gremjan út af sambúðinni við Dani hlýtur að vera orðin harðmögnuð, ef sambandsslit eiga að verða ofan á. En það þýðir það, að landið hefir goldið afskaplegt afhroð af sambúðinni áður en svo langt rekur.

Gegn þessu tjáir ekki að vitna til þess, að tala atkvæða við alþingiskosningar hafi áður orðið $\frac{3}{4}$ allra kjósenda.

Þetta skeði áður en tala kjósenda var rýnkuð um helming með stjórnarskrárbreytingunni 1915, og má því enga ályktun af þeim kosningum draga.

Auk þess er athugandi, að við kjördæmakosningar ýta undir kjósendur eigin hvatir þingmannaefna og valdagræðgi flokkanna. Með öðrum orðum, allir þeir, sem nokkurn kosningaáhuga hafa, keppast við að reka kjósendur að kjörborðinu.

En megi ráða nokkuð af atkvæðagreiðslum síðari ára um, hvernig atkvæðagreiðsla um sambandsslit verði sótt, væri sönnu næst að vitna til landskosninganna 1916 eða til atkvæðagreiðslu um þegnskylduvinnu eða atkvæðagreiðslu um aðflutningsbannið í Norður-Ísafjarðarsýslu 1908, þar sem engin kosning fór fram samtímis.

Landskosninguna 1916 sóttu 24,3% allra kjósenda, en kjördæmakosninguna sama ár sóttu rúmlega 56%.

Samkvæmt uppkastinu 1908 gat einfaldur meiri hluti þings slitit sambandinu um sameiginlegu málin. Munar hjer miklu.

Að minni hyggju lýsir það pólitískri skammsýni og vanhyggindum að hafa uppsagnarskilyrðin mjög þröng. Því lausari sem sambúðin er, því meiri hvöt hafa báðir aðiljar til þýðrar og góðrar samvinnu á öllum sviðum, og því affarasælli hlyti hún að verða þeim, en því fastari sem böndin eru, því meiri líkur eru til, að yfirdrottnunarandinn haldist við á aðra hlið og tortrygnin á hina og verði þrándur í götu nýtra framfarafyrirtækja.

Í samninginn vantar ákvæði um, hve mikinn meiri hluta þurfi til að samþykkja samninginn, bæði hjá þingi og þjóð. Geng jeg út frá því, að hann verði samur og þarf til samningsslita og mun gera tillögu um það.

Í 20. gr. er gert ráð fyrir að samningurinn gangi í gildi 1. desember þ. á. Ákvæði þetta er með öllu óverjandi.

Alþjóð manna er sárókunnugt um málið. Má heita, að hún hafi að eins getað fengið einhverja nasasjón af annari hlið þess. En sjálfsgagt er, að hún fái fult næði og nægan tíma til að athuga slíkt stórmál, er ráða mun örlögum hennar um marga mannsaldra. Verður því fremur að leggja áherslu á þetta, sem þjóðinni er meinað að kynna sjer gerðabók og gögn samninga-nefndanna.

Og þar sem samningurinn leiðir til stjórnarskrárbreytingar, gæti hann rekið sig illa á, ef andmælendur sambandsins yrðu í meiri hluta eftir nýjar kosningar.

Yfir höfuð er það misráðið og miður sæmilegt að hroða slíku máli af á skömmum tíma. —

Því er borið við, að hraða þurfi málinu sakir þess, að oss sje lífsnauðsyn að fá viðurkent hlutleysi vort sem allra bráðast.

Þótt nú eitthvað væri til í þessu, sem jeg leyfi mjer fyllilega að ve-fengja, gæti það eigi náð til annars en að gangskör væri að því gerð, að Danir lýstu hlutleysi voru fyrir vora hönd, og ætti það vissulega að vera auðsótt mál.

Og enginn vafi er á, að málstað vorum er best borgið með því að biða friðarumleitana í styrjaldarlok; býst þá við bestum kjörum, en sje alls enga hættu á biðinni.

Að lokum skal yfir því lýst, að samningur þessi hefði mátt verða mun betri í okkar garð, ef rjett og sæmilega hefði verið á málinu haldið af vorri hálfu, og að jeg get ekki greitt frnmvarpinu atkvæði, nema samþykktar verði breytingartillögur þær, er jeg ber fram og hjer fylgja á eftir.

BREYTINGARTILLÖGUR.

1. Við 6. gr.

a. 1. málsgr. hljóði svo :

Danskir ríkisborgarar heimilistastir á Íslandi njóta að öllu leyti sama rjettar sem islenskir ríkisborgarar fæddir þar, og gagnkvæmt.

b. 4. málsgr. falli niður.

2. Við 16. gr.

Greinin falli niður. Greinatalan breytist samkvæmt því.

3. Við 18. gr. 2. málsg.

Í stað »³/₄« á 2 stöðum komi:

³/₅.

Til vara:

²/₃.

4. Alstaðar í frv. þar sem orðin »Danmörk« og »Ísland« eru sett hlið-stæð, svo og »danskir« og »íslenskir«, í öllum föllum, *sje Ísland og íslenskir nefnt á undan.*

5. Við 20. gr.

Greinin orðist svo:

Sambandslög þessi ganga í gildi 1. janúar 1920, eftir að þau hafa verið samþykkt á sama hátt og segir í 18. gr.

6. Fyrirsögn frv. orðist svo:

Frumvarp til sambandslaga Íslands og Danmerkur.

Alþingi, 6. sept. 1918.

Magnús Torfason.

Fylgiskjal I.

Ályktun

hinnar bresku rikisráðsstefnu í Lundúnum (Imperial Conference). (Times weekly 2. ágúst 1918).

»Það heyrir tvímælalaust undir valdsvið stjórnar hvers einstaks lands innan breska rikisins að ákveða ein, hverjir sju ibúar í landinu með hömlum á innflutningi frá hinum löndunum. Breskum borgurum, sem búsettir eru innan einhvers lands í breska ríkinu, skal heimilt að koma til annara landa breska rikisins í heimsókn sjer til skemtunar eða í verslunarerindum, svo og að setjast þar að til bráðabirgða í því skyni að leita sjer mentunar, en rjettur þessi nær ekki til heimsóknar eða bráðabirgðaaðseturs í því skyni að leita sjer atvinnu nje til að taka sjer fasta bólfestu«.

Fylgiskjal II.

Kaflí

úr bæklingnum »Ný-valtýskan og landsrjettindin«, Rvík 1902, eftir Einar Benediktsson (úr Frjettum 10. júlí 1918).

»Danir hafa að undanförunu *viðurkent* í sjermaalöggiöf Íslendinga, að hjerlendir menn *gætu* haft rjettlindi hjer á landi fram yfir »rikisborgarana«.

Alpt. 1918. A. (Sambandslagapíngiö.)

Og þeir hafa einnig viðurkennt í löggjöfinni, að Íslendingar hefðu nokkurn rjett til »sjerstakra« lagaákvæða fyrir sig, án einskorðunar við dansk-an rjett.

Í þeim brotum og molum af *þjóðlegri löggjöf* Alþingis, er komið hafa fram að undanfögnu, sjest ofurvel, að það eru einmitt *sjerrjettindi Íslendinga fram yfir aðra »ríkisborgara« á sjermálasvæðinu*, sem öll hin síðari pólitíska þræta milli Dana og Íslendinga snýst um í raun og veru, þegar hismið er skilið frá kjarnanum. — —

Og menn verða að leggja vel niður fyrir sjer, hve feiknamikill munur er á þessu *»formlega jafnrjetti«* þegnanna og *»sönnu jafnrjetti«* þeirra.

Það er t. a. m. ekki sannarlegt jafnrjetti Íslendinga og Dana, að hjerlendum mönnum er heimilað að reka fiskiveiðar við Jótlandsskaga . . . gegn því, að Danir, *sem ekki eru búsettir hjer*, megi reka fiskiveiðar hjer við land. — Og enn harðara er það þó, að Færeyingar, Grænendingar . . . skuli geta komið hjer og staðið í öllu jafnfætis hjerlendum mönnum að rjettindum yfir sjó og landi.

Sannarlegt jafnrjetti Íslendinga og Dana væri það, ef hjerlendir menn hefðu þeim mun meiri hlunnindi að *lögum* á Íslandi, sem Danir standa betur að vígi í *raun og veru* í samkepninni við Íslendinga hjer í landi.

Danir eru auðug þjóð, en Íslendingar bláfátækir. Það er því ekki sannarlegt jafnrjetti að láta *danskt auðmagn* leika sjer hjer eftir vild (án skilyrðis um búsetu fjáreiganda eða fjárstjórnanda hjer í landi) — og bjóða svo Íslendingum hjer í móti »að koma með auðmagn sitt til Danmerkur«.

Það er sannarlegur *þegna-ójöfnuður* að leggja *fáment, víðáttumikið, óræktað, fiskauðugt fossaland*, eins og Ísland, í formlegt og skilyrðislaust þegna-samband við *sjölbjált, þröngsetið, alræktað, fiskisnautt og fossalaust* land eins og Danmörk.

Jeg nefni hjer að eins það, sem verður *þreifað* á.

En Íslendingar með islenskan anda og nokkra taug af islensku þjóð-erni munu einnig sjá, hvað *tunga* vor og *þjóðareinkenni* mundu græða á þessu. . .

Jeg býst varla við, að nokkur maður þori að neita því, að með þessu verða Íslendingar gerðir að *»þegnum þegnanna«*.

Lagalegt jafnrjetti »í orði« getur orðið hinn mesti ójöfnuður »á borði«.

Það stoðar ekki, þó menn vísi hjer til þess, að Íslendingar geti fengið *»embætti í Danmörku«*. — Það sýnir einungis það *eitt*, að Danir ættu einnig að geta fengið embætti hjer, og enginn hefir neitt á móti því! — —

En ofan á allt það, sem að framan er sagt um hinn *svokallaða þegna-jöfnuð* og *sannkallaða þegnaójöfnuð*, má bæta einu við, sem hefði vist þótt nægja í gamla daga — og nægði á dögum Jóns Sigurðssonar, það er, að Íslendingar hafa aldrei *sjálfir* beðið um slikan *»þegnajöfnuð«* við Dani — þangað til nú, að *»fulltrúarnir«* sýnast ætla að fá þjóðina til þess að biðja um hann. Skyldi þeim takast það?»

Ed.

6. Frumvarp

til dansk-islenskra sambandslaga.

(Eftir 3. umr. í Nd.).

Dansk-islensk sambandslög.

I.

1. gr.

Danmörk og Ísland eru frjáls og fullvalda ríki, í sambandi um einn og sama konung og um samning þann, er felst í þessum sambandslögum.

Nöfn beggja ríkja eru tekin í heiti konungs.

2. gr.

Skipun konungserfða er sú, er segir í 1. og 2. gr. konungserfðalaga frá 31. júlí 1853. Konungserfðum má ekki breyta, nema samþykki beggja ríkja komi til.

3. gr.

Ákvæði þau, er gilda nú í Danmörku um trúarbrögð konungs og lög-ræði, svo og um meðferð konungsvalds þegar konungur er sjúkur, ólöggráður eða staddur utan beggja ríkjanna, skulu einnig gilda á Íslandi.

4. gr.

Konungur getur ekki verið þjóðhöfðingi í öðrum löndum án samþykkis Ríkisþings Danmerkur og Alþingis Íslands.

5. gr.

Hvort ríki fyrir sig setur ákvæði um greiðslu af ríkisfje til konungs og konungsettar.

II.

6. gr.

Danskir ríkisborgarar njóta að öllu leyti sama rjettar á Íslandi sem íslenskir ríkisborgarar fæddir þar, og gagnkvæmt.

Ríkisborgarar hvors lands eru undanþegnir herskyldu í hinu.

Bæði danskir og íslenskir ríkisborgarar hafa að jöfnu, hvar sem þeir eru búsettir, frjálsa heimild til fiskiveiða innan landhelgi hvors ríkis.

Dönsk skip njóta á Íslandi sömu rjettinda sem íslensk skip, og gagnkvæmt.

Danskar og íslenskar afurðir og afrek skulu gagnkvæmlega eigi að neinu leyti sæta óhagkvæmari kjörum en nokkurs annars lands.

III.

7. gr.

Danmörk fer með utanríkismál Íslands í umboði þess.

Í utanríkisstjórnarráðinu skal skipa eftir ósk íslensku stjórnarinnar og í samráði við hana trúnaðarmann, er hafi þekkingu á íslenskum högum, til þess að starfa að íslenskum málum.

Nú er einhversstaðar enginn sendiherra eða sendiræðismaður, og skal þá skipa hann eftir ósk íslensku stjórnarinnar og í samráði við hana, enda greiði Ísland kostnaðinn. Með sömu skilyrðum skal skipa ráðunauta með þekkingu á íslenskum högum við sendisveitir og ræðismannaembætti þau, sem nú eru. Ef stjórn Íslands kys að senda úr landi sendimenn á sinn kostnað, til þess að semja um sjerstök íslensk málefni, má það verða í samráði við utanríkisráðherra.

Samningar þeir, sem þegar eru gerðir milli Danmerkur og annara ríkja og birtir, og Ísland varða, gilda og þar. Ríkjasamningar þeir, sem Danmörk gerir eftir að sambandslög þessi hafa náð staðfestingu, skuldbinda ekki Ísland, nema samþykki rjettra íslenskra stjórnvalda komi til.

8. gr.

Danmörk hefir á hendi gæslu fiskiveiða í íslenskri landhelgi undir dönskum fána, þar til Ísland kynni að ákveða að taka hana í sínar hendur, að öllu eða nokkru leyti, á sinn kostnað.

9. gr.

Myntskipun sú, sem hingað til hefir gilt í báðum ríkjum, skal vera áfram í gildi meðan myntsamband Norðurlanda helst.

Ef Ísland kynni að óska að stofna eigin peningasláttu, verður að semja við Svíþjóð og Noreg um það, hvort mynt sú, sem slegin er á Íslandi, skuli vera viðurkendur löglegur gjaldeyrir í þessum löndum.

10. gr.

Hæstirjettur Danmerkur hefir á hendi æðsta dómshald í íslenskum málum, þar til Ísland kynni að ákveða að stofna æðsta dómshald í landinu sjálfu. En þangað til skal skipa Íslending í eitt dómshald í hæstarjetti, og kemur það ákvæði til framkvæmda þegar sæti losnar næst í dómshaldinu.

11. gr.

Að því leyti, sem ekki er ákveðið að framan um hlutdeild Íslands í kostnaði þeim, sem leiðir af meðferð mála þeirra, sem ræðir um í þessum kafla, skal hún ákveðin eftir samningi milli stjórna beggja landa.

IV.

12. gr.

Öðrum málum en þeim, sem að framan eru nefnd, en varða bæði Danmörk og Ísland, svo sem samgöngumálum, verslunar- og tollmálum, siglingum, póstmálum, síma- og loftskýttasambandi, dómgæslu, máli og vigt og fjárhagsmálum, skal skipa með samningum, gerðum af þar til bærum stjórnvöldum beggja ríkja.

13. gr.

Fjárhæð sú, að upphæð 60000 kr., sem rikissjóður Danmerkur hefir undanfarið árlega greitt Íslandi, og kostnaður rikissjóðs Danmerkur af skrifstofu stjórnarráðs Íslands í Kaupmannahöfn, fellur niður.

Sömuleiðis eru afnumin forrjettindi íslenskra námsmanna til hlunninda við Kaupmannahafnarháskóla.

14. gr.

Rikissjóður Danmerkur greiðir 2 miljónir króna, og skal stofna af þeim tvo sjóði, hvorn að upphæð 1 miljón króna, í því skyni að efla andlegt samband milli Danmerkur og Íslands, styðja íslenskar vísindarannsóknir og aðra vísindastarfsemi og styrkja íslenska námsmenn. Annar þessara sjóða er lagður til háskólans í Reykjavík, en hinn til háskólans í Kaupmannahöfn.

Nánari fyrirmæli um stjórn og starfsemi sjóðanna setur konungur eftir tillögum stjórnar hvors lands, að fengnu álitu háskóla þess.

15. gr.

Hvort land fyrir sig ákveður, hvernig hagsmuna þess sjálfs og þegna þess skuli nánar gætt í hinu landinu.

V.

16. gr.

Stofna skal dansk-íslenska ráðgjafarnefnd, sem í eru að minsta kosti 6 menn, annar helmingur kosinn af Ríkisþingi Danmerkur og hinn helmingurinn af Alþingi Íslands.

Sjerhvert lagafrumvarp, sem varðar nánari meðferð mála þeirra, er um ræðir í sambandslögum þessum, og lagafrumvörp um sjermál annarshvors ríkisins, sem einnig varða hitt ríkið og stöðu og rjettindi þegna þess, skal hlutaðeigandi stjórnarráð leggja fyrir nefndina til álita áður en þau eru lögð fyrir Ríkisþing eða Alþingi, nema það sje sjerstaklega miklum vandkvæðum bundið. Nefndinni ber að gera tillögur um breytingar á þeim frumvarpsákvæðum, sem hún telur koma í bága við hagsmuni annarshvors ríkisins eða þegna þess.

Nefndin hefir enn fremur það hlutverk, annaðhvort eftir tilmælum stjórnanna eða af eigin hvötum, að undirbúa samning lagafrumvarpa, er miða að samvinnu milli ríkjanna og samræmi í löggjöf þeirra, og að taka þátt í samvinnu um sameiginlega löggjöf á Norðurlöndum.

Nánari fyrirmæli um tilhögun og starfsemi nefndarinnar setur konungur eftir tillögum frá stjórnnum beggja landa.

17. gr.

Nú ris ágreiningur um skilning á ákvæðum sambandslaga þessara, sem stjórnirnar geta ekki jafnað með sjer, og skal þá skjóta málinu til gerðardóms 4 manna, og kys æðsti dómstóll hvors lands sinn helming þeirra hvor. Gerðardómur þessi sker úr ágreiningnum og ræður afl atkvæða. Ef atkvæði eru jöfn, skulu úrslitin falin oddamanni, sem sænska og norska stjórnin á víxl eru beðnar að skipa.

VI.

18. gr.

Eftir árslok 1940 getur Ríkisþing og Alþingi hvort fyrir sig hve nær sem er krafist, að byrjað verði á samningum um endurskoðun laga þessara.

Nú er nýr samningur ekki gerður innan 3 ára frá því að krafan kom fram, og getur þá Ríkisþingið eða Alþingi hvort fyrir sig samþykkt, að samningur sá, sem felst í þessum lögum, sje úr gildi feldur. Til þess að ályktun þessi sje gild, verða að minsta kosti $\frac{2}{3}$ þingmanna annaðhvort í hvorri deild Ríkisþingsins eða í sameinuðu Alþingi að hafa greitt atkvæði með henni, og hún síðan vera samþykkt við atkvæðagreiðslu kjósenda þeirra, sem atkvæðisrjett hafa við almennar kosningar til löggjafarþings landsins. Ef það kemur í ljós við slíka atkvæðagreiðslu, að $\frac{3}{4}$ atkvæðisbærra kjósenda að minsta kosti hafi tekið þátt í atkvæðagreiðslunni og að minsta kosti $\frac{3}{4}$ greiddra atkvæða hafi verið með samningsslitum, þá er samningurinn fallinn úr gildi.

VII.

19. gr.

Danmörk tilkynnir erlendum ríkjum, að hún samkvæmt efni þessara sambandslaga hafi viðurkennt Ísland fullvalda ríki, og tilkynnir jafnframt, að Ísland lýsi yfir ævarandi hlutleysi sínu og að það hafi engan gunnfána.

20. gr.

Sambandslög þessi ganga í gildi 1. desember 1918.

Nd.**7. Tillaga**

til þingsályktunar um greiðslu á aukakostnaði af flutningi innlendrar vöru, sem stafar af fyrirmælum útflutningsnefndar.

Flutningsm.: Benedikt Sveinsson.

Nedri deild Alþingis skorar á stjórnina að stilla svo til, að þar sem svo stendur á, að vara (ull, kjöt og gærur) er eigi tekin, sakir fyrirmæla í reglugerðum útflutningsnefndar, á þeim höfnum, sem strandferðaskipum er ætlað að koma á, heldur fyrirskipað, að vörunni skuli komið þaðan á tilteknar aðalhafnir, þá sje aukakostnaði, sem af þeim flutningi leiðir, ljett af seljöldum að nokkru eða öllu leyti, annaðhvort með því að jafna honum niður á alla vörutegundina eða greiða skakkaun úr landssjóði.

Greinargerð.

Svo sem kunnugt er, auglýsti útflutningsnefnd í vor ákveðið verð á ull, sama verð alstaðar á samskonar ull. En jafnframt voru sumar hafnir »lokaðar« og eigöndum gert að skyldu að koma ullinni á sinn kostnað til einhverrar hafnar, þar sem Bandamenn tæki hana. Þótti mönnum þegar hart undir þessu að búa. En síðan hefir skipast svo, að flutningaskip landsstjórnarinnar hafa tekið ullina á sumum þeim höfnum, sem áður voru »lokaðar«, en á öðrum er hún ekki tekin, heldur er seljöldum skipað að greiða hátt aukagjald (t. d. 9 aura af tvipundi) fyrir flutninginn til einhverrar annar hafnar. Sama verður uppi á teningnum um haustvörunar.

Þessu una menn illa, og hefi jeg fengið áskorun um að flytja tillögu hjer á þingi í þá átt, sem að ofan greinir.

Sp.**8. Tillaga**

til þingsályktunar um vantraustsyfirlýsing.

Flutningsmenn: Sigurður Stefánsson og Halldór Steinsson.

Alþingi ályktar að lýsa vantrausti á núverandi atvinnumálaráðherra og skora á hann að beiðast þegar lausnar, svo og að skora á forsætisráðherra að gera þegar fullnægjandi ráðstafanir til þess, að atvinnumálaráðherrann verði leystur frá embætti.

Sp.**9. Viðaukatillaga**

við tillögu til þingsályktunar um vantraustsyfirlýsing (á þingskj. 8).

Flutningsmaður: Sigurður Stefánsson.

Framan við meginmál tillögunnar komi:

I.

Aftan við tillöguna komi ný grein, svo hljóðandi:

- II. Enn fremur að lýsa vantrausti sínu á núverandi fjármálaráðherra og skora á hann að beiðast lausnar þegar í stað, svo og að skora á forsætisráðherrann að gera þegar fullnægjandi ráðstafanir til þess, að fjármálaráðherrann verði leystur frá embætti.

Nd.**10. Breytingartillaga**

við tillögu til þingsályktunar á þingskjali 7.

Flutningsm.: Matth. Ólafsson, Björn Kristjánsson og Sigurður Stefánsson.

Fyrir orðin »ull, kjöt og gærur« innan sviga komi:

ull, kjöt, gærur og sjávarafurðir.

Nd.**11. Tillaga**

til þingsályktunar um sölu á kjöti og fl.

Frá Pjetri Ottesen og Hákonni Kristóferssyni.

Neðri deild Alþingis ályktar að skora á landsstjórnina að láta einkis ófreistað, sem stutt gæti að því að greiða fyrir sölu á kjöti og öðrum afurðum.

Ed.**12. Frumvarp**

til laga um sjerstakar dómþinghár í Skarðs- og Klofningshreppum.

(Eftir 3. umr. í Nd.).

Skarðshreppur og Klofningshreppur í Dalasýslu skulu vera sjerstakar dómþinghár, og skulu þingstaðirnir vera að Skarði og Dagverðarnesi.

Ed.

13. Lög

um sjerstakar dómpinghár í Skarðs- og Klofningshreppum.

(Afgreidd frá Ed. 9. sept.).

Skarðshreppur og Klofningshreppur í Dalasýslu skulu vera sjerstakar dómpinghár, og skulu þingstaðirnir vera að Skarði og Dagverðarnesi.

Ed.

14. Dansk-íslensk sambandslög.

(Afgreidd frá Ed. 9. sept.).

I.

1. gr.

Danmörk og Ísland eru frjáls og fullvalda ríki, í sambandi um einn og sama konung og um samning þann, er felst í þessum sambandslögum.

Nöfn beggja ríkja eru tekin í heiti konungs.

2. gr.

Skipun konungsertíða er sú, er segir í 1. og 2. gr. konungserfðalaga frá 31. júlí 1853. Konungserfðum má ekki breyta, nema samþykki beggja ríkja komi til.

3. gr.

Ákvæði þau, er gilda nú í Danmörku um trúarbrögð konungs og lög-ræði, svo og um meðferð konungsvalds þegar konungur er sjúkur, ólöggráður eða staddur utan beggja ríkjana, skulu einnig gilda á Íslandi.

4. gr.

Konungur getur ekki verið þjóðhöfðingi í öðrum löndum án samþykkis Ríkisþings Danmerkur og Alþingis Íslands.

5. gr.

Hvort ríki fyrir sig setur ákvæði um greiðslu af ríkisfje til konungs og konungsættar.

II.

6. gr.

Danskir ríkisborgarar njóta að öllu leyti sama rjettar á Íslandi sem íslenskir ríkisborgarar fæddir þar, og gagnkvæmt.

Ríkisborgarar hvors lands eru undanþegnir herskyldu í hinu.

Bæði danskir og íslenskir ríkisborgarar hafa að jöfnu, hvar sem þeir eru búsettir, frjálsa heimild til fiskiveiða innan landhelgis hvors ríkis.

Dönsk skip njóta á Íslandi sömu rjettinda sem íslensk skip, og gagnkvæmt.

Danskar og íslenskar afurðir og afrek skulu gagnkvæmlega eigi að neinu leyti sæta óhagkvæmari kjörum en nokkurs annars lands.

III.

7. gr.

Danmörk fer með utanríkismál Íslands í umboði þess.

Í utanríkisstjórnarráðinu skal skipa eftir ósk íslensku stjórnarinnar og í samráði við hana trúnaðarmann, er hafi þekkingu á íslenskum högum, til þess að starfa að íslenskum málum.

Nú er einhversstaðar enginn sendiherra eða sendiræðismaður, og skal þá skipa hann eftir ósk íslensku stjórnarinnar og í samráði við hana, enda greiði Ísland kostnaðinn. Með sömu skilyrðum skal skipa ráðunauta með þekkingu á íslenskum högum við sendisveitir og ræðismannaembætti þau, sem nú eru. Ef stjórn Íslands kys að senda úr landi sendimenn á sinn kostnað, til þess að semja um sjerstök íslensk málefni, má það verða í samráði við ut-anríkisráðherra.

Samningar þeir, sem þegar eru gerðir milli Danmerkur og annara ríkja og birtir, og Ísland varða, gilda og þar. Ríkjasamningar þeir, sem Danmörk gerir eftir að sambandslög þessi hafa náð staðfestingu, skuldbinda ekki Ísland, nema samþykki rjetttra íslenskra stjórnvalda komi til.

8. gr.

Danmörk hefir á hendi gæslu fiskiveiða í íslenskri landhelgi undir dönskum fána, þar til Ísland kynni að ákveða að taka hana í sínar hendur, að öllu eða nokkru leyti, á sinn kostnað.

9. gr.

Myntskipun sú, sem hingað til hefir gilt í báðum ríkjum, skal vera áfram í gildi meðan myntsamband Norðurlanda helst.

Ef Ísland kynni að óska að stofna eigin peningasláttu, verður að semja við Svíþjóð og Noreg um það, hvort mynt sú, sem slegin er á Íslandi, skuli vera viðurkendur löglegur gjaldeyrir í þessum löndum.

10. gr.

Hæstirjettur Danmerkur hefir á hendi æðsta dómsvald í íslenskum málum, þar til Ísland kynni að ákveða að stofna æðsta dómstól í landinu sjálfu. En þangað til skal skipa Íslending í eitt dómarasæti í hæstarjetti, og kemur það ákvæði til framkvæmda þegar sæti losnar næst í dómnum.

11. gr.

Að því leyti, sem ekki er ákveðið að framan um blutdeild Íslands í kostnaði þeim, sem leiðir af meðferð mála þeirra, sem ræðir um í þessum kafla, skal hún ákveðin eftir samningi milli stjórna beggja landa.

IV.

12. gr.

Öðrum málum en þeim, sem að framan eru nefnd, en varða bæði Danmörk og Ísland, svo sem samgöngumálum, verslunar- og tollmálum, siglingum, póstmálum, síma- og loftskýttasambandi, dómgæslu, máli og vigt og fjárhagsmálum, skal skípa með samningum, gerðum af þar til bærum stjórnvöldum beggja ríkja.

13. gr.

Fjárhæð sú, að upphæð 60000 kr., sem rikissjóður Danmerkur hefir undanfarið árlega greitt Íslandi, og kostnaður rikissjóðs Danmerkur af skrifstofu stjórnarráðs Íslands í Kaupmannahöfn, fellur niður.

Sömuleiðis eru afnumin forrjettindi íslenskra námsmanna til hlunninda við Kaupmannahafnarháskóla.

14. gr.

Rikissjóður Danmerkur greiðir 2 miljónir króna, og skal stofna af þeim tvo sjóði, hvorn að upphæð 1 miljón króna, í því skyni að efla andlegt samband milli Danmerkur og Íslands, styðja íslenskar visindarannsóknir og aðra visindastarfsemi og styrkja íslenska námsmenn. Annar þessara sjóða er lagður til háskólans í Reykjavík, en hinn til háskólans í Kaupmannahöfn.

Nánari fyriræli um stjórn og starfsemi sjóðanna setur konungur eftir tillögum stjórnar hvors lands, að fengnu álitu háskóla þess.

15. gr.

Hvort land fyrir sig ákveður, hvernig hagsmuna þess sjálfs og þegna þess skuli nánar gætt í hinu landinu.

V.

16. gr.

Stofna skal dansk-íslenska ráðgjafarnefnd, sem í eru að minsta kosti 6 menn, annar helmingur kosinn af Ríkisþingi Danmerkur og hinn helmingurinn af Alþingi Íslands.

Sjerhvert lagafrumvarp, sem varðar nánari meðferð mála þeirra, er um ræðir í sambandslögum þessum, og lagafrumvörp um sjermál annarshvors ríkisins, sem einnig varða hitt ríkið og stöðu og rjettindi þegna þess, skal

hlutaðeigandi stjórnarráð leggja fyrir nefndina til álita áður en þau eru lögð fyrir Ríkisþing eða Alþingi, nema það sje sjerstaklega miklum vandkvæðum bundið. Nefndinni ber að gera tillögur um breytingar á þeim frumvarps-ákvæðum, sem hún telur koma i bága við hagsmuni annarshvors ríkisins eða þegna þess.

Nefndin hefir enn fremur það hlutverk, annaðhvort eftir tilmælum stjórnanna eða af eigin hvötum, að undirbúa samning lagafrumvarpa, er miða að samvinnu milli ríkjanna og samræmi i löggjöf þeirra, og að taka þátt i samvinnu um sameiginlega löggjöf á Norðurlöndum.

Nánari fyrirmæli um tilhögun og starfsemi nefndarinnar setur konungur eftir tillögum frá stjórnnum beggja landa.

17. gr.

Nú ris ágreiningur um skilning á ákvæðum sambandslaga þessara, sem stjórnirnar geta ekki jafnað með sjer, og skal þá skjóta málinu til gerðardóms 4 manna, og kýs æðsti dómstóll hvors lands sinn helming þeirra hvor. Gerðardómur þessi sker úr ágreiningnum og ræður afl atkvæða. Ef atkvæði eru jöfn, skulu úrslitin falin oddamanni, sem sænska og norska stjórnin á víxl eru beðnar að skipa.

VI.

18. gr..

Eftir árslok 1940 getur Ríkisþing og Alþingi hvort fyrir sig hve nær sem er krafist, að byrjað verði á samningum um endurskoðun laga þessara.

Nú er nýr samningur ekki gerður innan 3 ára frá því að krafan kom fram, og getur þá Ríkisþingið eða Alþingi hvort fyrir sig samþykkt, að samningur sá, sem felst i þessum lögum, sje úr gildi feldur. Til þess að ályktun þessi sje gild, verða að minsta kosti $\frac{2}{3}$ þingmanna annaðhvort i hvorri deild Ríkisþingsins eða i sameinuðu Alþingi að hafa greitt atkvæði með henni, og hún síðan vera samþykkt við atkvæðagreiðslu kjósenda þeirra, sem atkvæðisrjett hafa við almennar kosningar til löggjafarþings landsins. Ef það kemur i ljós við slíka atkvæðagreiðslu, að $\frac{3}{4}$ atkvæðisbærra kjósenda að minsta kosti hafi tekið þátt i atkvæðagreiðslunni og að minsta kosti $\frac{3}{4}$ greiddra atkvæða hafi verið með samningsslitum, þá er samningurinn fallinn úr gildi.

VII.

19. gr.

Danmörk tilkynnir erlendum ríkjum, að hún samkvæmt efni þessara sambandslaga hafi viðurkennt Ísland fullvalda ríki, og tilkynnir jafnframt, að Ísland lýsi yfir ævarandi hlutleysi sínu og að það hafi engan gunnfána.

20. gr.

Sambandslög þessi ganga í gildi 1. desember 1918.

Nd.

15. Þingsályktun

um sölu á kjöti og fl.

(Samþykkt í Nd. 9. sept.).

Neðri deild Alþingis ályktar að skora á landsstjórnina að láta einkis ófreistað, sem stutt gæti að því að greiða fyrir sölu á kjöti og öðrum afurðum.

Sp.

16. Rökstudd dagskrá

samþykkt í Sp. 9. september.

Flutningsmaður Guðmundur Björnson.

(Till. til þingsál. um vantraustsyfirlýsingu á þgskj. 8 og 9).

Þar sem vantraustsyfirlýsing sú, sem fram er komin til atvinnumálaráðherra og fjármálaráðherra, getur spilt eindrægni þeirri, sem nauðsynleg var og er fyrir framgang aðalmáls þings og þjóðar, sambandsmálsins, sem enn er ekki útkljáð að fullu, þá þykir þinginu ekki hlýða að bera hana undir atkvæði og tekur fyrir næsta þingmál.
